

JACOBI BORNITI

J. U. D.

34.4.D.21

# PARTITIONUM

## POLITICARUM

### LIBRI IV.

In quibus ordine & summatim capita  
artis Politicæ designantur

De

REP. { FUNDANDA,  
      { CONSERVANDA,  
      { AMPLIFICANDA &  
      { CURANDA.

*Moderatoribus Rerump. inscripti.*


Ars Politica longa, Vita brevis, Experientia diffi-  
cilis & periculosa.



HANOVIAE,

Typis Wecheliani apud Claud. Marnium, & hered. Jo. Aubrii.

M. DC. VIII.



3  
EPISTOLA DEDICATORIA  
ad Moderatores Rerump.

**P**ULCRUM est benefa-  
cere Reip. etiam benedi-  
cere haud absurdum est.  
Et qui fecere, & qui fa-  
cta aliorum scripsere, multi  
laudantur ; Illustres,  
Generosi, Nobilissimi ; Clarissimi &  
Prudentissimi Rerump. Gubernato-  
res ; Patroni submisè & summoperè  
colendi ; elegans & nervosa sententia  
Crispi Sallustii est ; quâ debita erga  
Remp. officia exigere videtur, cui post  
DEUM opt. max. omnia nostra studia  
debemus. Quodq; non tam pulcrum,  
quàm necessarium & fructuosum esse  
Reipub. arbitror. Et sanè Moderatores  
Rerumpub. Magistratus, Consiliarios,  
Judices togatos & sagatos Reipub. suis

functionibus benefacere, & proinde summis præmiis dignos esse in propatulo est. Quid enim Imperia, Leges, Judicia, Consilia in Rep. valerent, nisi essent qui illa exsequerentur. Benedicere quoq; Reip. haud absurdum esse, imò adæquè ac benefacere summè necessariū statuo, quo verbo studium historicum innuitur. Quid enim historia quàm exēplaris Philosophia, in quā, ut Livii verbis utar, *Omnis exempli documenta in illustri posita monumenta intueri possis, inde tibi tuaq; Reipub. quod imitère capias, inde fædum inceptu, fædum exitu quod vites; Illa enim monstrat, quæ vita, qui mores fuerint, per quos viros quibuscunque artibus domi militiaq; & partum & auctum Imperium sit*, Et ut summatim dicam, Illa est dux & lux vitæ humanæ publicæ & privatæ. Quâ de causâ M. Cicero in Orat. rectè monet, *Plus laboris esse conferendum historiis, è quibus exemplo-*

*rum*

*rum vis suppetit , quàm Philosophorum disputationibus legendis.* Digni proinde laude , honore & præmiis qui res gestas scripsêre : Dignissimi qui bene gesta imitanda , malè facta fugienda in civilibus negotiis sibi proponunt.

Cæterum quid expedit legere historiam & non intelligere? Quod nō legere est sed negligere. Verū sensum & fructū in historiis enodandis Ars politica suggerit, quæ ad exēpla politica sua theoremata accommodat, & ad usum Reipub. prudenter transferre docet, sine cujus ductu & adminiculo studium historicum temerarium & infructuosum erit. Quomodo enim quis de statu Reip. de Imperio, de Legibus, de Consiliis, Magistratibus, de rebus domi forisq̃ue gestis, de Principum ingeniis & moribus, de conversionibus Rerump. & aliis innumeris doctrinæ politicæ

articulis iudicium feret, nisi prius rationem status, Imperii, Legum, Consiliorum, Magistratuum, Principis, & actiones pacis & belli &c. didicerit. Qui haud secus ac Theologus in lectione historiae sacrae principiis theologicis: Physicus in contemplatione naturarum, praeceptis Physicis: Ethicus in hominum moribus censendis, morum doctrinam destitutus, in indagatione exemplorum civilium, Rerump. & publice privatimque gestorum, arte Politicam non instructus, frustra operam & tempus locabit. Universum enim exemplorum examen theoriam necessario praesupponit, quae ex singularibus collecta vicissim ad eadem adaptanda est, quaeque veluti amussis est, secundum quam singula exempla historica consideranda & dijudicanda sunt. Adeo ut historicum studium politico semper sit ἀντί-στροφον, nec alterum ab altero usu segregari

gari possit, nec unquam quis verum politicæ disciplinæ sensum absque Historiâ, verumvé historiæ fructum sine politicis fundamentis consequi valeat.

Quâ de causâ & hi de Republ. benè merentur, adæque ac Historici, qui Reip. scriptis politicis benefaciunt. Historicorum numerus ferè est innumerus priscorum & novorum, & adhuc indies succrescit: ut in hoc amplissimo campo ad noticiam Rerump. & rerum gestarum universi orbis terrarum nihil desiderari videatur. Politicorum quoq; scriptorum magna est copia, sed maxima differentia. Plerosq; enim videris de virtutib. Principum differere, quod potius *ἡθικόν* quiddam: Alios de themate aliquo politico agere: Paucissimos utem ipsam universis & singulis argumentorum partibus & capitibus comprehensam tractare, fortè difficultate, amplitudine & sublimitate rerum de-

territos & cohibitos. Quanquam reperias quosdam Methodum adfectasse, sed non consummasse.

Cum autem id imperfectum sit, quod non ex omnib. partibus, & confusum quod non ordine constet, non potui non persuadere mihi, infelicitèr & inutiliter eum in studio politico & historico occupari, qui præceptis partim heterogeneis, partim mutuis, partim confusis innititur. Proptereà à primordio ferè studii politici eò animum & nervos intendi, ut si qua posset in re politicâ methodus & ordo inveniri, periculum facerem. Nec successus DEI gratiâ & ope defuit conatui. Comperi enim ratione & usu, quæ τεκμήρια omnium artium, Remp. fundandam; fundatam conservandam; amplificandam, & morbidam curandam esse, Quemadmodum corpus humanum suis partibus compositum nutriendum & curandum:



randum: ædificium extructum factum  
tectum tuendum. Quæ Methodus ad  
Remp. quàm aptissima visa fuit, pro-  
pterea quod hisce quatuor muniis to-  
tum officium politici contineatur &  
expediatur.

Hæc ergò Partitiones summis re-  
rum partibus & articulis ἐς τὸ ὅδ' αὖ ἐκ κε-  
φαλῆς diduxi, ut prima extremis media  
utrisq; ordine naturæ convenirent, &  
corpus quodammodo (non dico ἀκρι-  
βῶς & ἀπλῶς, sed quantum in re subli-  
mi, intricata & immensa potè fuit) ar-  
tis politicæ absolutum constitueret, ne  
ullum caput aut membrum τῷ σώματι  
πολιτικῷ συγγενές & essentielle deesse vi-  
deretur, si vè speciatim expressum, si-  
vè generatim saltem indicatum fue-  
rit.

Quod an consecutus fuerim, meum  
non est opinione meâ aliorû sententi-  
am antevertere, sed vestrum Viri πολιτι-

κῶτατοι, Rerump. κυβερνήται, aularum arbitri, Imperiorum, Confiliorum & Judiciorum præfides, de hoc meo conatu judicium ferre. Quippè qui in politicis negotiis *νυχθήμερον* versati, veram non simulatam Philosophiam adfectatis; & non tantum theorematibus, verùm etiam & in primis longo rerum usu, in quo cardo vertitur, politicam prudentiam confirmatis.

Vobis itaq;, Viri politici, hæc lucubrationes inscripsi, non ut putarem vos hisce elementis indigere, verum ut illa vestræ censuræ & patrocínio subjicerem. Censuræ, ut judicium de hac arte ab artis peritis petam, Num certa præcepta politica hîc designata; quæ digna ut in institutionib. & syntagma-  
te quodam politico, apodixi uberiori declarentur, exemplis illustrentur, dubia discutiantur, & ad usum in Rep. accommodandæ demonstrantur.

Quod

Quod si quædam incerta, mutila, obscura, inordinata, deprehendantur, calculo vestro reprobetis, & nota censoria notetis, ut monitus munitusque vestra prudentia quod imperfectum ad perfectionem redigere annitet. Plus enim pollent ingenia quàm ingenium, plus oculi vident quàm oculus, plus multi experiuntur, quàm unus, plus sapiunt senes & veterani, quàm juvenes & tyrones.

Patrocinio autem vestro idè credere volo & debeo hoc qualecunque sit studii, quod benigniores & æquiores patronos invenire nō possim quàm Vos, quibus salus Reipublicæ suprema lex est: & quibus studium politicum cordi & curæ.

Vos ergo, Viri prudentes, hæc mea progymnasmata politica animo æquo suscipere, candido censere, benigno prosequi & tueri haud dedignemini,


maorem in modum oro rogoq; . Pro  
 quâ benevolentia & tutela erga singu-  
 los animi gratitudinem, officiorumq;  
 promptitudinem mutuiter repromit-  
 to. Valete Viri Illustres, Generosi, No-  
 bilissimi, Prudentissimi & εὐπολίτευόμε-  
 νοι. D E U S opt. max. Autor & Mode-  
 rator omnium politiarum vestras Res-  
 pub. fartas tectas conservet, & suâ gra-  
 tiâ abundè fortunet. Dab. Suidnici Si-  
 lesior. Anno Salutis M. DC. VII,  
 Kal. Marti.

V. V.

O. & S.

JACOBUS BORNITIUS  
 Torgensis Misnicus.

Autor



Autor

AD BENEVOLOM  
Lectorem.



NIHIL dici, *Benevole & Candide*  
*Lector*, quod non dictum sit pri-  
us; nihil inveniri, quod non antè  
inventum sit, opinio vulgi est ex  
diverbio comico profecta. Quod in-  
effata humani ingenii vis atque experientia cum  
grano salis exaudiendum esse liquido evincunt. Si  
quis enim artes belli & pacis hoc seculo florentes cum  
inventis veterum conferat, facile dijudicabit &  
argumenta & formam rerum multarum olim non  
innotuisse. Exemplo sit ars militaris & medica.  
Nam si Iulius Caesar redivivus operam & opera  
bellica, quæ hodiè extant, videret, attonitus puto ob  
disciplina & prudentia militaris terra mariq; in-  
crementum, redderetur: cuius magna pars ipsum  
latuit. Quod si Hippocrates & Galenus olim Me-  
dicorum Principes varios thesauros & recessus na-  
turæ oculariter hodiè introspicerent, fortè naturam  
transmutatam esse, aut saltem DEUM opt. max.  
arcana Macrocosmi & Microcosmi jam deum

hominibus aperuisse, sibi persuaderent. Ut taceam de aliis rebus noviter perfectis & adfectis. Quod artium & scientiarum Methodum attinet, illa hodiè DEI beneficio ita comparata est, ut etiam intra breve temporis spatium generosum ingenium artium præcipuarum metam attingere possit. Quod olim in præceptorum confusione & ataxia ne per totum vite curriculum alicui licuit. Et sane indubium est propediem universas & singulas artes toti orbi terrarum unâ eademq; Methodo illucescentes singulari & novo miratulo fore. Methodum in Theosophia videris exactissimam: in Iurè, in Medicinâ, in artibus Logicis, Metaphysicis, Physicis, Mathematicis, Ethicis &c. ordine naturæ conformatam: quâ quis ductus nō poterit modico annorum intervallo rerum divinarum & humanarum potissimâ theoriam non consequi: postea maturiori praxi ad vitæ tempus usque percolere & perficere.

Caterum ars illa (quod dolendum) reliquarum artium Architectonica hætenus fermè sepulta & neglecta fuit. Quotus enim quisque, qui iuri operam dederit, & ad rerum gubernacula adspiraverit, politicam doctrinam excoluit, aut saltem sibi necessariam fore duxit. Multi enim rem politicam in mediâ praxi & experientiâ sitam esse prætendunt, præceptis politicis planè explosis. Alii & plerique sufficisse sibi principia juris Iustinianei & dogmata  
quadam

quadam politica Platonis & Aristotelis delibasse, persuasum habuere, rerum experientiâ in negotiis belli & pacis longè aliter edocti, quâ confidentiâ ducti, ne dicam seducti, adeo, ut rerum administrationi admoti ab initio inane scutum ignorantia præterdere: & serò q. denuò à cunabulis resipere coacti fuerint. Quamquam enim prudentiâ civilis, ut & omnium aliarum artium & scientiarum perfectio praxi & experientiâ consummetur, cum nullus habitus absq. crebrâ exercitatione & cognitione rerû singularium adquiri possit; & extitisse interdum quosdam rei militaris & civilis ductu naturæ, longèq. rerû usu peritos. Nemo tamē sinceriter & verè sentiens inficias ibit, Omnē praxin absq. prævia theoria imperfectam & incertam esse. Quippe quæ basi & normâ suâ destituatur, quod comprobatur Iurisprudentia & Medica; Vacillantes enim videris rabulas in actione: imperitos iudices in definitione causarum, ab æquo exorbitantes juris principis destitutos: Empiricos in novis morbis emergentibus, aut in antiquis & notis Symptomate quodam variantibus, planè dubitantes & desperantes, theoria medica eos deferente. Ne dicam de Mechanicis & aliis. Propterea & ad prudentiam politicam comparandam præcepta corporis & ordinis politici nō negligenda sunt, si in negotiis civilibus prudenter & rectè versari velimus. Equidē & jus civile summo

*honore & laude dignum: omnibusq; studiosis politici-  
ces commendandum est, non tàm quòd à Romanis  
profectum, quàm quòd aequitate quodammodo per-  
fectum: At id satis esse cuius Reip. statui primâ  
fronte advertetis, qui Leges Romano-Germanici  
Imperii & ordinationes aliorum populorum juri ci-  
li tamen maximâ ex parte incognitas, aliquantillū  
cognoverit. Nec diffitendum est, multa politiis salu-  
taria in scriptis Platonis & Aristotelis reperiri, sed  
an absoluta & præcipua Rerump. principia contine-  
ant, valdè dubito (nisi quis ea leviter tacta esse ele-  
vet) quorum tamen prima ratio habenda fuisset.*

*Nulla enim aut pauca de functionibus summi  
Imperii inserta observare licet. At quis unquam  
Politicoꝝ Politica fundamenta verè profiteri po-  
tuit: imperio & partibus ejus ignoratis. Ne dicam  
de aliis quamplurimis articulis, quorum ne mentio  
facta fuit. Immo nec fieri quidem potuit ab iis, qui  
civili gubernationi nunquam interfuerunt.*

*Quin quòd hodiè plura prudentiâ civili & mi-  
litari adinventâ, quorum ne quidem cogitatio ve-  
teribus in animum venit. Et quantum fragmenta  
illa ad rectionem Rerump. hætenus fecerint, Prin-  
cipes & gubernatores ipsi politici in actionibus pa-  
cis & militia satis experti fuerunt.*

*Quæ cum in cursu & usu studiorum meorum a-  
nimadvertterem, longè aliter de studio juris Romani  
& Polit:*



& Polit: Platon: & Arist: sentire cæpi. Ius Romanum suspiciendum & necessario discendum esse: legenda etiam Politica fragmenta veterum, sed non perfecta nec satis esse ad habitum politicum comparandum. Idcirco rem ex principiis repetendam esse putavi, investigando, quæ primordia, quæ fulcra & stabilimenta Rerum publ. & c. non tam ex opinione Philosophorum, quàm Politicorum & Ictorum decretis, qui juris publ. & priuati gnari fuerunt, quos præceptorum loco secutus & veneratus sum: tum exemplis & experimentis Rerum publ. confirmatus aliquantum. Investigata materia loco, indies ad formam operis intentus architecti more, qui maceriâ, ligna, lapides & c. aliundè petit, at artis suæ norma ordinatum ædificiũ extruit, destinavi. Itaq; postea rationem ordinis in re politicâ cum ordine corporis & membrorum politicorum contuli, atq; præcepta politica methodo quâdam congeffi, quorum antè biennium ἱερογγραφία tabulis adumbratam præmisi, nunc partitiones eorundem subijcio, capita & articulos studii politici summatim indicantes, & ordinẽ hujus doctrinæ designantes. Quinimus erat theoremata plenius & planius diducere, sed multa causa me retraxerũt ab instituto, quas hic explanare neq; opus alii, neq; mihi integrum esse videtur. Satis arbitror summo digito prudenti lectori indicasse, quid hæc lucubrationes præ se ferant, Lectorem intelligo,

qui periculum in re politicâ fecerit, & verâ non simulatâ Politico sophia imbutus fuerit, qui verum & sincerum de hisce laborib. iudicium feret. Namq; hominum de scholâ, foro & plebe, id est, qui ἀποφαιτὰ πολιτικὰ inanibus speculationibus tantum, vel sanguinolentis litibus & impolitis opinionib. indulgent, istorumq; versipellium, pseudopoliticorum, qui veram doctrinam politicam cum religione & conscientia, polypos nō politicos imitantes susq; deq; habent, præiudicium iam dudum ad Garamantas ablegavi. Quibus obiectum velim: Ne sutor ultra crepidam: & ut quisque suo se pede meriatur.


Scio etiam quædam ordinatius & fusius, quædā concisus etiam & absque iteratione in hoc opusculo tradi potuisse, sed malui eorum correctionem (quavis in populari argumento populariter procedendū) suspendere, donec forte, an calculo politico Sophorū: ad INSTITUTIONES POLITICAS, quas antè aliquot annos cum ex locis peregrinis reversus, & in aulâ aliquantisper commoratus essem in discursu quodam politico inui, edendas, animatus fuero.

Interim hisce Partitionibus utere bone Lector, quas mihi non ἐκ παραλόγου & de subito natas, sed ferè trecentis auctoribus & commentatoribus politicis (ut taceam de aliis) partim Latine & Græcè, partim Hispan: Ital: Gallicè & c. scriptis, quorūcunq;

copiam

*copiam habere licuit, collatis, non sine labore partas esse, certò tibi persuadeas.*

*Quod si hæc levidensia putes, rem ex re cogita, non dubito te in singulis fermè axiomatibus, ne dicam verbis symbola variorum & amplissimorum argumentorum adeoq; sylvam comperturum, ad qua accuratè excolenda ne vita hominis suffecerit. Licentiùs vis eloquar, sine jactatione tamen, velim & exoptem universa & singula ad Remp. pertinentia meditata hinc quatuor libris contineri. Sed tu lege & perpende, spe fretus, te prope diem etiam de Majestate & functionibus summi Imperii, nec non de nummis percutiendis & conservandis, de præmiis in Republica decernendis, de Aerario conficiendo, de Iure Collegiorum: & de aliis argumentis exercitationes nostras perlecturum. Vale. Dab. Suidnic In Silesiâ Kal. Marti Anno M. DC. VII.*



Cicero.

ALITER LEGES, ALITER PHILOSOPHI.

proinde Bodinus

QUI DE REP. SINE LEGUM AC IURIS SCIENTIA SCRIBUNT, CONSIMILITER FACIUNT, UT QUI NULLIS OMNINO IACTIS FUNDAMENTIS ÆDES ALTISSIMAS MOLIUNTUR.


nani

JURISCONSULTI NON PHILOSOPHORUM DECRETIS, SED POPULARI CAPTU AC SENSU CIVILEM SAPIENTIAM METIUNTUR.

idcirco


LEGUMLATORES, ET JURISCONSULTOS VELUT DUCES IN DISPUTATIONE DE REP. SEQUI DEBEMUS.

NOTA.



## N O T A.

**M** Inusculâ literâ argumenta  
 & capita singularia distin-  
 cta indicant tibi Lector se-  
 riem Locorum Communium, quos  
 studiosus Politices ordine præscri-  
 pto in Historia, Peregrinatione,  
 Praxi & Observatione rerum &  
 negotiorum civilium sequi potest.  
 Ut etiam ambitum & amplitudinẽ  
 studii Politici ἐπισυνέλεγε videat, præ-  
 mittitur ἡ κορυφαία quædam artis &  
 artificis Polit: Anno 1605. Gorli-  
 cii edita, quæ plura in recessu, quàm  
 in frontispicio promittere videtur.  
 Tu hisce lucubrationibus feliciter  
 utere & benè vale.



# Ars Politica , five scien- tia Civilis agit


*DE REP. PERFICIENDA,*

*Cujus finis*

1. Vita Civilis.
2. Perfectio humana & Civilis.
3. Divina contemplatio & Actio,  
*In qua acquiescit.*


**PARTES**

1. 2. 3.






Vnde quatuor *Munia* politica.

- Remp. {
  1. Fundare.
  2. Conservare.
  3. Augmentare.
  4. Curare & Mutare, &c.










Hinc de *Politia* qua-  
druplici agit pars  
altera *Politica* { 1. *Sacra.*  
2. *Civilis.*  
3. *Militari.*  
4. *Privata.* } In singulis Person.  
Leges Rerum, &c.


*Amplifica-  
tur Resp.* Populi { Vtrinq; modi } Communes.  
in-  
cre-  
mento { Rerum } Proprii, five { Directi  
speciales. } Obliqui, &c.






## II. Tabula.

*Politicus est artifex Reipub.  
perficiunda.*









D. O. M. A.

LIBER PRIMUS

DE

REP. FUNDANDA.

*Quid Politica & Politicus.*



POLITICA est ars Reip. perficiundæ:  
alio nomine Civilis doctrina.

Cujus artifex *Politicus* dicitur, qui  
scit fundare Remp. & fundatam con-  
servare: amplificare & curare.

Ut autem habitum sibi compareret po-  
liticum, qui *Prudentia politica* dicitur, necesse est, ut  
artem civilem discat & exerceat.

Quod sit Theoriâ & Praxi.

*Theoria*, Præceptorum civilium cognitione.

*Praxi*, usu eorundem in an. lyti & genesi.

*Analysi* examine & resolutione exemplorum ci-  
vilium. Quæ sunt 1. *Singulares Resp.*

2. *Res gestæ* Principum, aliarumque personarum  
publicarum & illustrium, tempore pacis & belli &c.

Rerump. & gestarum cognitioni inservit *historia*:  
Et *peregrinatio*.

Tum Legatorum *renunciatio*.

*Genesis* politica, in functione & exercitatione negotiorum politicorum occupatur.

Quæ vel quoad totam Remp. vel

Quoad partem Imperii Judicii, Consilii, Legationis &c. expeditur.

Propterea politico utendum adminiculo *Theologia* & *Philosophia*.

Quæ artes pacis & belli complectitur.

Inprimis verò suam Remp. & vicinam exploratam habere necesse est.

*Quid Respub: Unio civilis & Imperium  
generatim.*

**R**espub. est Majestate imperantium & obsequentium rerumque civilium, perfectionis humanæ civilis ad benè beatè vivendum, adipiscendæ gratia, legitime ordinata unio.

Unio dicta est ab Uno sive Unire, idemque significat ac rectissima quædam conjunctio & connexio, quâ diversa veluti unum fiunt.

Undè generatim Unio nihil aliud est; quàm diversorum connexio; sive conjunctio, ut unum sint & existant.

In specie autem *Unio civilis* est imperantis & obsequentis cum rebus Unio.

In quâ proindè concurrere intelliguntur Imperium & obsequium, personæ imperantes & obsequentes, nec non res, quæ personis coherent & inserviunt.

*Imperium* ab imperando, est potestas regendi impotentes, à D E O, Gentium & Civili jure ordinata & temperatum.

Potestas est rectæ rationis ordinatio.

Quæ



Quæ consistit in reductione impotentis ad potentiam.

Quod fit *informatione animi in veri & recti studio.*

Tum *jussione recti*, quoad civiles actiones rectè expediendas, secundum virtutis normam, ut piè & honestè vivamus, alterum ne lædamus, suum cuique tribuamus.

Jubere est præcipere, ut aliquid fiat.

Cum comminatione *pœna* & promissione *præmii*.

Quod si non fiat, executione *pœna*.

Itaque nullum Imperium sine exequendi & coërcendi potestate est, ne jussum fiat elusorium, si vè sit privatum, si vè publicum.

### *Quæ partes Imperii.*

**P**ARTES Imperii duæ sunt, *Regimen animi*, quod *Doctrina* expeditur.

*Et Corporis*, si vè externarum actionum, quod *jussione*.

Jussio enim est pars Imperii, quâ præcipit, ut aliquid fiat, quoad externas actiones: Quod si non fiat, exequatur quod jussum est: & contra factum coërcet.

Jussioni subjecta sunt externa hominis opera.

Propterea cogitationes mentis & actiones voluntatis vitiosæ jussioni non subjacent: sed informationi tantum relinquuntur.

In jussione sunt duæ partes. 1. præceptum, ut fiat quod præceptum. 2. executio & coërcitio, quod si non, aut contra factum fuerit.

Præceptum bonum & æquum continet, quod generatim præceptis juris exprimitur.

Executio & coërcitio fit coactione ejus, quod im-

peratum. aut pœnæ inflictione, pro modo & proportionē ejus, quod contra jussum æqui & boni factum est.

In omni itaque imperio consideranda sunt, Informatio veri & recti: tum Jussio æqui & boni.

Informatio spectat Animi facultates restaurandas, primarias, Mentis, intellectus, voluntatis, rationis: secundarias, Loquelæ.

Et perficitur doctrinâ regentis & disciplinâ.

Jussio præcepto jubentis, & obedientiâ parentis.

Totum Imperium obsequiō, quod & disciplinam & obedientiam complectitur.

*De formâ Reipub. & distinctione potestatum  
& Imperiorum in universum.*

**F**orma Reip. consistit in nexu, Majestate imperantium & obsequentium, rerumque civilium huic utilitati coherentium & inservientium.

Ad Rempubl. itaque constituendam requiruntur

1. majestate imperans, & imperantes subordinate.
2. Universale obsequium.
3. Res publicæ & privatæ.

Nam in R. p. potestas est vel cum Imperio:

Vel sine Imperio quavis alia.

Utraque vel publica vel privata.

Summa & prima, vel à prima orta.

Cum Imperio illa potestas est, quæ Imperium suo nomine dicitur.

Quod publicum & privatum.

Publicum est, quod publicè exercetur in subditos & cives.

Quod Absolutum & Moderatum.

Pote-

Potestas publica sine Jurisdictione & Imperio est  
quævis alia potestas publica.

Sacra puta, vel civilis, vel militaris.

Privata est singulorum in singulos.

Vel cum Imperio, quæ est patrum familiâs in familiâs.

Vel absque Imperio, quæ est tutorum, curatorum, propinquorum, Præceptorum, seniorum &c.

Unde imperium privatum est patris familiâs, quod privatim in singulos familiares exercetur.

Hoc ordine Impreiorum & potestatum continetur tota Respub.

*Quis constituat Respublicas, & quo  
fine.*

**E**fficiens *DEUS* est,  
Et *Homines*.

Impulsiva causa est *imperfectio* generis humani & *interitus*.

*Finis* Reipublicæ est proximus & proximo subordinatus.

Proximus est *vita civilis*, quam imperantes & obsequentes civiliter uniti vivunt.

Quam comitatur *Pax publica*.

Et privata, quæ *Concordia*.

Subordinatus finis, qui à proximo dependet, nec sine illo existere potest, est duplex, Intermedius & summus.

*Intermedius* est perfectio humana & civilis.

*Perfectio humana & civilis* est, quæ hominem ut animal civile perficit, ut benè sit, seu ut perfectus sit bonis humanis & civilibus.

1. Bona humana sunt, quæ hominem ut hominem perficiunt.

Suntque illa, quibus homo in primo innocentiae statu ante lapsum donatus fuit à D E O,

1. Partim in toto homine, *Immortalitas & felicitas:*

Partim in partibus:

1. In anima *Sapientia*, in intellectu

*Sanctitas & Justitia* sive virtus erga D E U M & hominem in voluntate.

Tum in corpore *adumbratio perfectionis*, quæ in D E O.

Nec non *imperatoria Majestas* & dominium in bestias &c.

Bona civilia sunt, quæ hominem ut civem beant: *Libertas civilis, Jus civitatis, Nobilitas, Dignitas, Honos, Fama, Ordo & Gradus* &c.

Hæc propria ferè cujusque Reipublicæ: illa communia omnium gentium.

Summus finis est *unio hominis cum D E O*, in hac & in alterâ vitâ: *tum hominis cum homine.*

Absolutus quidem hominis & D E I: relatus verò ad absolutum hominis cum homine.

Ex hoc triplici scopo & differentia finium

Politico 1. proponenda est vita civilis, imperio & obsequio, rerumque coherrentia prudenter fundanda, & fundata conservanda.

2. Perfectio humana & civilis, quæ bona supernaturalia, naturalia & civilia complectitur:

3. Summum hominis bonum, reconciliatio & unio cum D E O: tum quoque hominis cum homine, quæ ad illam tendit.

Undè summi boni gratiâ Politicus Reipublicam

cam constituere & conservare intelligitur.

Idque restauratione bonorum humanorum, & ad-  
eptione civilium consequi annitur, dum Cives eò du-  
cit regimine.

Cujus functiones doctrina & jussio : docendo &  
jubendo, Vera & Recta,

Quod fit Institutione, Religione, Lege &c.

*De partibus artis Politicæ.*

**P** Artes artis civilis sunt

I. Primariæ: *Fundatio & Conservatio.*

II. Consequentes, *Amplificatio & Curatio.*

Ordine enim naturæ, primum Respubl. quæ non  
est, constituenda est, ut sit, nimirum formæ & mate-  
riæ, adeoque unionem partium : nec non ratione subje-  
cti sive loci existat & subsistat, quod fit fundatione.

Deindè opus est, ut fundata facta recta conser-  
vetur.

Reliquæ partes, quæ ad incrementum & curam  
Reipubl. spectant, aliud esse, vel bene esse non affe-  
runt, sed vel primum augent & amplificanc : vel si cor-  
ruptum fuerit, ad pristinum statum redigere labo-  
rant : iisdem ferè modis, quibus fundatur & conser-  
vatur.

Pars ergò prima politicæ doctrinæ consistit in fun-  
datione, quæ perficitur *unionem partium* : tum *collatione*  
*earundem.*

Undè duplex fundatio : primaria, quæ partes  
unit :

Et secundaria, quæ unitas loco & territorio ce-  
to concludit : nec non domiciliis sive rectis n-  
cludit.

*De partibus Reip.*

**P** *Artes Reipublicæ sunt primæ, & à primis ortæ.*

Primæ sunt, quæ sunt suæ originis, nec ex aliâ unione priore uniuntur, & dicuntur *Familia*.

Itaque collectio partium primarum & ortarum facienda est.

*De Familiis.*

**F** *amilia est principis famil. familiariumque personarum & rerum unio, privato imperio facta, mutui obsequii & auxilii in operibus domesticis præstandi causâ.*

Personæ sunt Imperans, *Princeps fam.*

Obsequentes, *uxor, liberi, servi.*

Res sunt *bona familiaria.*

Est ergò facienda primùm collectio personarum, ad familiam perfectam constituendam & conservandam Mariti & Uxoris : Patris & Filii : Domini & Servi.

Mariti & Uxoris unio fit *nuptiis.*

Undè unio conjugalis viri & fœminæ conjunctio, individuum vitæ consuetudinem continens, divini & humani Juris communicatiò, nuptiis legitimis conciliata.

Unio Filii & Patris fit partim naturâ, partim Jure, quod naturam imitatur, puta *adoptione, legitimati-  
tione.*

Unio Domini & Servi, vel Jure gentium, *nativitate & captivitate;*

Vel Jure Civili, *quando homo liber se venundat &c.*

- Deindè

Deindè concessio & dispositio rerum sivè bonorum familiarium facienda est.

Quæ vel sunt propria Principis familiæ: vel Communia.

Vel propria uxoris, puta *Dotalia*, *Paraphernalia*: filiisfam: servor: *peculia*, prout de hisce diversæ Resp. diversimodè disponunt.

Porro cum civilis unio constet Imperio & obsequio Familiis sanè regendis tribuit sivè potius relinquit Politicus, Patrifamil. imperium privatum, quod natura habet, idque dispositione civili informat & moderatur, ut exindè naturale Civile existat.

Quod pro differentiâ Personarum triplex:

Unus Princepsfam. imperat, uxori, ut maritus; Liberis ut Pater; Servis, ut Dominus.

Cæteri obtemperant.

Undè Imperium *maritale*, *patrium* & *dominicum*.

Ad fundandam itaque Rempublicam homines vargi familiis sunt colligendi & colligandi imperio. Quæ primæ partes cujusque Reipubl.

Quæ *perfectæ* personis & rebus constantes familiaribus.

*Imperfectæ* contrà.

Quæque vel *Nobiles* vel *Plebeje*, de quibus suo loco.

Exindè Politico observandum

1. Quibus & quantis familiis Respub. sivè civitates fundatæ sint.

2. in usu practico: quibus familiis, & ex quibus populis & quibus modis potissimum fundamenta suæ Reip. & civitatis jaciat.

*De Civitate.*

**C**onstitutis familiis in Republ. Civitas fundanda succedit.

*Civitas* est familiarum, trium saltem, cum rebus civilibus, publico imperio facta unio.

Ex familiis progrediuntur cives: tum conferuntur res civiles.

Quæ proindè partes civitatis uniuntur publico imperio.

*Civis* est liber homo, qui sub imperio publico constitutus civitatis communione gaudet.

Res civiles sunt *bona publica* quasi populi sive civitatis.

*Imperium publicum* est potestas publica civibus imperandi, ut imperata faciant: vetita intermittant, sub pœnæ publicæ comminatione & executione: aut præmii publici promissione.

Imperium publicum & *absolutum* & *moderatum* constituitur.

Quippè quod illud suas vires congruenter & sufficienter exercere nequeat, quàm per hoc, quod ex se derivat & deducit.

Indè evenit, ut quæ societas publico Imperio moderato coit, in specie sæpè dicatur Civitas.

Quæ verò absoluto, Resp.

Quamquam interdum coincidunt, nec nisi ratione tantum distinguantur.

Absolutè imperat *Princeps*: moderatè *Magistratus*.

Obsequuntur universi: Qui *Subditi*.

Quocircà ut unione familiarum & civitatis existat  
Resp.



Resp. summum Imperium, Quod Majestatis est, Principi committendum est.

*De Majestate.*

**M***ajestas*, à magnitudine appellata, politica, est summa in Republica universim imperandi potestas.

Cujus esse est, summam esse, atque universaliter imperare.

*Summa est*, quod superiorem aut parem sibi non agnoscat.

*Universalis* est potestas, quod universos aut singulos saltem unico imperio complectatur & coërceat.

Est verò Majestas *prima* potestas, propterea quod reliquarum potestatum prima.

Tum quod suæ quasi originis.

Nec aliundè proficiscitur & dependet, nisi ab ipso DEO.

Qui eam proximè antecedit, & cujus vicem in hoc mundo obtinet.

Majestatis principalis finis est *animare imperio* summo universali Rempub.

Subordinatus, & à principali dependens, est *salus seu beatitudo populi*, id est, universorum primùm, deinde singulorum civium, quam Majestati propositam esse oportet.

Subjectum est *territorium universale* extrinsecis Reip. finibus comprehensum.

Affectiones *incomitantes* summam potestatem comitantes sunt Solutam esse & Perpetuam.

*Soluta est* liberrima, nullius hominis imperio, aut legibus civilibus obstricta.

Nisi quod DEI & rationis Imperium, quod utrumque superius est, agnoscat.

Tum quoque *legem & pacta Imperii*, quæ connexa & dicta sunt Majestati.

Principi tamen cui inest, *legibus vivere* convenit, etiam civilibus.

Quæ ad ipsum rectâ vel ἀναλογία saltem referri possunt.

Quod æquum & decorum desiderat.

Deindè potestas summa est *perpetua & Majestati* individua.

### *De summi Imperii functionibus.*

**S**ummum Imperium est summa Imperandi potestas, quod Majestatis est.

A quo inferius quodvis, tum quævis alia potestas, præter illud, dependet.

Undè potestas prima, & à primâ dependens existit in Rep. & quæ oritur, & quæ informationem, nec non sustentationem ab eâ obtinet.

Partes & *jura summi Imperii*, sive Majestatis, sunt functiones quibus suam vim propriè & distinctim exerit.

Proptereà quia ipsum indivisum: ita & Jura ejusdem, propria & individua sunt.

Propria quòd omni & soli, nec non semper conveniant Majestati.

Individua autem, quòd neque *cessione*, neque *prescriptione* subditis communicari queant aut debeant.

Quæque ut effecta formalia Principem à subditis dispescant.

Quam

Quamvis *administranda committi* possint causâ exigente, nomine & vice Principis: citra violationem & confusionem Imperii

Jus Majestatis vel universim vel partitè considerari potest.

Universale est fundare & conservare Remp. ordinando, administrando & tuendo statum publicum & privatum, nec non amplificando & mutando eandem domi forisvé.

Hinc cætera particulatim & distinctim dependent.

Ordinat enim Majestas Rempubl. in quavis parte & tempore.

Legibus & personis publicis legum & consiliorum custodibus & executoribus.

Tum rebus ad politiam pertinentibus.

Quibus universis & singulis status sustentatur.

*Leges ergò ferre universis & singulis*, summi Imperii præcipuum, & generalissimum caput est.

Nempè de personis & Rebus publicis, sacris, civilibus, militaribus & privatis.

*Leges & privilegia interpretari*, ut earum, eorumque interpretatio pro Jure habeatur:

*Leges mutare.*

Jus deindè *pœna statuenda*: à pœnâ & vi legum liberandi & restituendi contra sententiam secundum caput complectitur.

Præterea *præmia* & beneficia publica impertiri, atque *honores & dignitates* conferre, tertium.

Insuper *jurisdictionem* & *animadversionem* omni-  
modam & liberrimam habere.

Undè *jus Imperium jurisdictionemq;* in alios derivandi & distribuendi, aliamvé, potestatem concedendi.

Item *jus creandi Magistratus & Judices*, præsertim majores.

Aliamque potestatem permittendi aut confirmandi.

Adeoq; partem seu actum Imperii & Judiciï in certis causis singularem reservandi jus, Majestatis caput quartum constituitur.

Huic potestati quintum caput *Provocatio extrema* aut saltem *jus supplicandi* cohæret: siquidem Principis est judicium summum exercere, & summum tribunal instituire.

Sextum caput est *jus conficiendi aerarij publici*, ex vœtigalibus & tributis ordinariis atque extraordinariis, aliisque compendiis publicis.

Tum *jus dispensandi de pecuniâ publicâ*.

Septimum est *jus percutiendi, assumendi, mutandi & tollendi nummos*.

Octavum caput continet *jus belli indicendi & finiendi*.

Adeoque *jus percutiendi fœderis*.

Nonum *jus indicendi comitia*, & ordines imperiï convocandi.

Decimum est *fidelitatem* æqualiter ab omnibus exigendi.

Undecimum *jus Majestatis*, est *jus mittendi & recipiendi legatos*.

Duodecimum, *jus dominationis* quod est *jus quoddam supremum*, boni publici gratiâ, & plerumque necessitate urgente, contra *jus commune & singulare*  
statu-

statuendi: nec tamen legi DEI & rationis è diametro aduersum.

Cæterum præter hæc jura, sunt etiam alia Principibus competentia jura accidentaria.

Primo *Reservata*, quæ sunt jura illa de negotiis, quæ sibi suæque autoritati & potestati seorsim reservare, imperii bonique publici causâ, disponenda, nec Magistratibus, aut aliis facillè concedere solent.

Deindè *Arcana*, quæ speciem Maiestatis & Reservatorum præ se ferunt.

Præterea *Regalia*, quæ sunt iura quædam principalia, emolumento & patrimonio Principis destinata.

Denique *Privilegia* Principum; quibus præter jus commune singulatim gaudent & utuntur.

### *De Principe, statu & distinctione Re- rum publicarum.*

DE Maiestate per se & generatim perpensâ actum est; iam quatenus inest, spectandum.

Inest autem *Principi*, per quem Resp. statum adipiscitur & conservat.

Est enim *Statu* quasi forma Reip. quo stat & persistit,

Et quia uni inest, vel multis,

Uni semper τῷ λόγῳ: interdum etiam simul personâ:

Multis aut paucioribus, aut universis vel majori parti:

Status Reipublicæ existit vel *Monarchicus* vel *Polyarchicus*:

Et hic *Aristocraticus* vel *Democraticus*.

Hi status uti personarum numero distincti sunt: ita

natura Majestatis individua commisceri non possunt.

*Simplices* ergò semper, nunquam mixti.

Omnisque Reip. simplex, nulla mixta.

Nisi quod *modo administrandi temperetur* qui longissimè à status ratione differt.

*Optimus* autem Reip. status est illo, qui cuique populo quàm optimè congruit.

Quem prudentia politica eidem appositè & conformiter applicat.

Quamvis & singuli sua *commoda & incommoda* sentiant.

Quorum rationem in malis præcavendis & curandis haberi publicè interest, de quibus suo loco.

### *De Monarchiâ.*

**M**onarchia status Reip. est, in quo uni Majestas inest, seu quando in unius principatu Reip. majestas versatur.

Unum intelligo regulariter *virum*:

Irregulariter *fœminam*:

Qui Princeps in specie dictus, imperans universis & singulis.

Proindè solutus & perpetuus.

Spontè tamen legibus eum vivere convenit.

### *De modis constituendi Monarchiam.*

**M**onarchiæ acquisitio: tum distinctio consideranda est: acquirendi modi & solennitas, denique ipse monarcha.

Modi capiendi Principatum legitimi sunt divini & humani.

*Divini,*

*Divini*, ut si deferatur Principatus cælitus, puta oraculo.

*Humani*, qui ab hominum consensu, id est, populi vel optimatum dependent.

Consensus vel liber vel coactus.

Undè Principatus vel spontaneâ vel coactâ populi voluntate acquiritur.

Liber consensus vel expressus vel tacitus.

Uterque verus vel quasi.

Hic causæ impulsivæ principatus constituendi considerandæ: puta *imperitia imperandi, metus hostis, seditio, &c.*

### *De Electione.*

**E**Xpresso consensu principatus defertur *Electione*.  
1. Cum quis *per suffragia* populi, vel optimatum in Principem creatur.

Sivè natalibus regiis antè, sivè posthabitis:

Ex prolapia certâ vel incertâ.

2. Vel electione *per sortem*, si inter eligendos sit dubia concertatio.

### *De Successione.*

**T**acitum consensum comprobat populus in *successione*: quando Principatus Principi acquisitus in successorem lege successoriâ continuatur & conservatur.

*Successio* est acquisitio juris defuncti, qui est Princeps, & jure habuit Principatum, quem successor legitimus acquirit.

Estque vel ab intestato, quæ hîc primas tenet;

Vel testamentaria.

Ab intestato est vel descendens vel collateralis.

Descendentes intelligo liberos naturales & legitimos simul.

Liberorum est mas vel fœmina: id est, filius vel filia.

Filius vel primogenitus, vel secundogenitus.

Hic secundum, ille primum caput efficit.

*Primogenitus* autem est, qui primum est natus.

*Etiā ante adeptum Patris imperium.*

Primogenitura ergò sive primogeneia nihil aliud est, quàm primigeniti successio.

Cuius causa principalis est Lex, quæ ob bonum publicum, & in honorem & favorem Imperii est introducta. Ut principatus & qui sub eo sunt, integri & quieti perseverent.

Quod si avo imperante, primogenitus moriatur, & relinquat heredem, *nepos patruo* præfertur.

Talis est successio primogeniti.

Qui si *inhabilis* est ad administrationem, vel ob ætatem, vel ob mentis vitium, aut si adhuc in utero est, aut si casus superveniat, ut Princeps capiatur, administratio committitur tutori, vel curatori.

Qui vel proximus agnatus, vel alius.

Deficiente primogenito, succedit proximus agnatus.

*Filia* autem succedit irregulariter apud eos populos, qui fœminarum imperium ferre didicerunt, masculâ lineâ deficiente.

*Testamentaria successio* est eius, quem deficientibus legitimis antecessor designavit, lege, pactoque populi permittente.

*Quasi successio* est Principatus cessio.

Sponte



Sponte populi ita defertur Principatus: At eodem invito, acquiritur *bello legitimo*

### *Inauguratio.*

**S**olennitas sequitur, *ritus* pro varietate populorum Principem *consecrandi* varius

Quæ vel cum juramento, vel sine eo fieri solet.

*Juramento* obligatur Princeps justæ administrationis nexu.

Idque purè præstatur:

Vel *lege certa fundamentali*, quæ majestati dicta:

Aut *pactione regni*, quæ inter Principem & Ordines sive Procures inita in formatur.

Ita tamen ne Majestatis jus lædat aut minuat.

### *Distinctio Monarchiæ.*

**D**istinctio Monarchiæ est in regnum & dominatum.

*Regnum* seu Monarchia regalis est, in quâ Princeps subditos gubernat æquitate naturali, libertatæ ac dominio subditis permisso

Ipsius naturæ legibus obtemperans, undè *Rex* dicitur.

*Dominatus*, in quo Princeps libertatis ac fortunarum dominus factus, dominico imperat imperio, qui Dominus.

Utrique opponitur *Tyrannis*.

### *De Personâ Principis.*

**P**rinces regit seipsum, suosque, id est, familiares & Cives, sive familiam & populum, uti Princeps:

Proindè triplex ejus dispectio habetur, ratione personæ ejus principalis, familiæ & Reip.

D

In Personâ Principis causas, tum qualitates Principi congruas perpendi oportet.

In causis Nativitatem & Educationem.

In qualitatibus bona interna & externa, aliaque adjacentia, Principe digna.

Undè considerata

*Nativitas* Principis, *Parentes*, *Educatio*, *Institutio*, *Pedagogus*, *Artes* & *studia* Principe digna, dispensatio studiorum.

*Virtutes* Principis heroicae: *Pietas* & *probitas*, *Prudentia* politica & polemica.

*Valetudo* ubi regula vivendi.

*Cultus* corporis in vestitu & incessu

*Exercitia* & recreationes animi & corporis.

*Convictores*, *Collusores* juniorum Principum

*Autoritas* in pace & bello

*Fama*, *insignia* & *tituli*.

*Fortuna*

*Affectio* & *odium*

*Infidie*, *traditiones*, *interneciones*.

*Ætas*, *Anni* *Climacterici* & *fatales*.

*Mors*.

*Ritus funebris*, *sepultura*.

*Testamentum*, *heres*.

*Historia* & *res gestæ* Principis.

In Familiâ & aulâ, *Uxor*, *Nuptia*, *Liberi*, *Consanguinei*, *Conversatio aliorum*, *Ministri*, *Adulatores*, &c.

*Officium* Principis quod *Reipub.* attineat, per universum corpus politicum diffunditur.

*De Aristocratiâ & Democratiâ.*

**P***olyarchia* est, cum civibus collectim unitis, summa imperandi potestas inest.

Qui singulis imperare possunt, cunctis non possunt, atque eo etiam amplius distat à principatu *Polyarchia*.

Civium autem pars minor vel major imperat: undè forma altera *Aristocratiâ*, & tertia *Democratiâ*.

*Aristocratiâ* ergò, quæ etiam *Optimate* dicitur, est *Reipubl.* forma, in quâ minor pars civium in reliquos universos & singulos summum jus habet.

Minor autem pars est, quæcunque dimidio universorum civium minor.

Ex paucissimis *Duumviratus*, *Triumviratus*.

Plurium numerum definire non opus, nec certum est.

Quò autem pauciores, eò arctius status *Optimum* uniti videtur.

Nec Cives omnes optimos, sed ditissimos, bellicosissimos flagitiosissimos simul intellige.

*Democratiâ* sive *Timocratiâ* est, cum summum Imperium universis civibus inest, aut saltem majori parti.

Quod si unus dignitate prior cæteris in *polyarchia* existat, speciatim *Principatus* dicitur, *Aristocratiæ* quæ si species vel *Democratiæ*.

*De Imperio Moderato publica, Jurisdictione, Judiciò & animadvertendi potestate, &c.*

**H**æc de Imperio Absoluto: sequitur moderatum & limitatum.

*Moderatum Imperium* publicum est potestas publicè imperandi à Principe concessa, & certâ lege, modoque temperata.

Quæ continet Jurisdictionem & Animadversionem.

*Jurisdictio* est potestas publica ratione Juris dicundi definita,

Estque vel *Jurisdictio in specie*, quæ potestas Juris demonstrandi, secundum quod cives vivere debent.

Vel *Judicium* potestas noscendi & definiendi Juris, an Cives secundum jura vixerint.

In Judicio partes & modus litigandi consideratur.

Partes sunt Personæ, *Judex*, item Litigantes, *Actor*, *Reus*. Accessor: *Assessores*, *Jurisperiti* &c.

Item *Advocati* & *Procuratores*,

Tum res controversa sive *questio*

Quæ *Facti* de

Quo constat

Vel quod *probant*.

Et *Juris*, quod ex lege vel arbitrio boni viri deducitur.

Modus litigandi est *ordinarius*

Vel *summarius*; vulgo *Processus*.

Porro Judicium est *civile* & *criminale*.

*Civile* quoad causas civiles.

*Civile*, vel est *transactionis* vel *litigiosum*.

Item vel *pupillorum*, *Mercatorum* & *nautarum* &c. *Nobilium*, *Principum* &c.

*Criminale* quoad causas criminales

Deniq; legitimum & ordinarium Judicium ad summum refertur.

Hoc est ad *Tribunal summum*, quod Principis est.  
Unde

Undè in Republica summum & inferius Judicium.

Et hæc de Judicio, sequitur animadversio.

*Animadversio* est potestas publica, certo modo animadvertendi in facinorosos.

Quò *gradus pœnarum*, *modus exasperandi* & mitigandi eas &c. Et *suppliciorum genera* pertinent.

Hoc Imperium inest vel jure, vel privilegio.

Indè quod *mandari* potest vel non potest.

Deindè est vel *vicarium* vel *autocraticum*.

Autocraticum *titulo hereditario* vel *lege fiduciariâ*.

Præterea moderatum imperium est vel *Civile* vel *Militare*.

Denique *ordinarium*, quod certo ordine perpetuò competit.

Vel *extraordinarium*, quod ad statum tempus.

Hæc de publico Imperio. *Privatum* est Principis-familias, de quo suprà.

### *De Obsequio & Subditis.*

**H**Actenus de Imperio : sequitur tandem Obsequium.

*Obsequium* refertur ad Imperium : & consistit in promptâ & fideli voluntatis obedientiâ, atque effectione eorum, quæ imperio præcepta & jussa sunt.

Præcipiuntur autem imperio discenda, quæ vera & recta: tum jubentur etiam facienda, quæ recta & æqua: & non facienda quæ iniqua.

Proindè obsequium spectat disciplinam & doctrinam: tum jussum Principis sive Legis, reliquorumque Magistratum: nec non privatorum, qui jus jubendi habent.

Obedientiâ autè extenditur ad *possibilia jure & facto*.

Nam impossibile, quæ vel naturâ vel jure fieri non possunt, nulla est obligatio.

Qualia sunt, quæ adversus pietatem, fidem & pudorem imperantur.

Quo in casu *DEO & rectæ Rationi* magis obediendum est, quàm hominibus.

Cætera jussû omnia, etiam *dura & Tyrannica obsequio præstanda sunt*, faciendo quæ imperata, & omitendo vetita.

Cum debito *honore & reverentiâ*, qui Regenti, sive sit Princeps, sive Magistratus, Sacerdos, Præceptor, Pater &c. debetur.

Porrò uti imperium publicum & privatum: ita obsequium queque publicum & privatum.

*Publicum* est, quod debetur Principi, & iis, qui loco Principis regimini præsunt.

Quod vel *commune* est univerforum subditorum, & in obedientiâ omnium actionum & virtutum civilium versatur, quæ præcepta & jussû exigunt universim, putâ pie & honestè vivere, alterum non lædere, & suum cuique tribuere.

Vel est simul *speciale*, quod actiones civium proprias pacis, bellique tempore spectat in quovis statu.

Quod singulari nomine *Munus* dicitur, quod vel *Personale* est, vel *Patrimoniale*.

Obsequium efficit *subditum*, qui est sub imperiû sive Reip. tutelâ constitutus.

Qui vel est homo *liber*, vel *servus*.

Homo liber, *civis*, qui jure civitatis gaudet.

Cui opponitur *Peregrinus & Fœderatus*

Civis nascitur vel fit *Adscriptione*.

Adscriptus obligatur *juramento subjectionis & fidelitatis*.  
Civis

*Cives autem variant*, admodum in Rep. pro variâ dignitatis & conditionis differentiâ.

In plerisque tamen Rebus pub. distinguuntur in *nobiles & plebejos*, de quibus infra.

Hæc de publico obsequio: sequitur privatum.

*Privatum obsequium* est, quod à familiaribus patri-famil. debetur & præstatur: de quo etiam supra.

Hoc ordine Imperiorum & potestatum, nec non obsequiorum, universâ ratio imperandi & obsequendi in Repub. continetur.

Sequitur ut de Rebus videamus.

*De fundatione seu Constitutione Rerum ad  
Remp. pertinentium.*

**A**D perfectionem civilem, quoad Corporis inprimis rationem, pertinent *res* tam belli, quam pacis tempore.

Non tantum *necessitatis*, verum etiam *utilitatis*, & interdum *voluptatis* gratiâ comparanda.

Sanè *sufficientia rerum* requiritur, non planè *affluentia*.

Constant autem quædam *vires*, quæ natura suppetat.

Quædam *vires*, quæ lex constituit, quamvis materia à naturâ sit, videlicet Nummi.

Potro cum vitæ conservatio ab aëris haustu & à victu, qui nutrimentum & cultum corporis continet, dependeat, *Res* sanè sufficientes ad Rempubl. eligi, & comparari debent.

*Aëris salubritas* & bonitas, in locorum delectu.

Deindè *Cibus, Potus*.

*Medicamenta*.

*Amictus,*

*Habitatio,*

Denique *Nummi* parandi sunt.

Ad cibum necessaria sunt *fructuum genera*:

Tum *carnes* animalium, *olera* seu fructus terre & *arborum*: item *condimenta*.

Ad potum *aqua*, cuius etiam usus præter potum varius.

*Vinum.*

Quod si natura hæc necessaria non ferat, arte quaerenda sunt.

Cumque corpus hominis, tum etiam aliorum animalium corruptioni & morbis obnoxium sit, *medicamentorum* ratio in Republica instituenda est. Quò *thermae* pertinent.

Ad amictum faciunt *linum*, *lana*, *corium*, *sericum* &c.

Ad tecta & ædificia publica & privata, *lapides*, *ligna*, *limus*, *lateres*, *terra*, *calx*, *arena*.

Ad instrumenta victus, amictus & habitationis & aliarum rerum, *terra*, *lapides*, *metalla* &c.

Ad ministerium *servi*, *animalia*, & alia artificialia innumera.

Ad nummos verò *metalla idonea* & pretiosa, aut alia materies apta.

### *De Agriculturâ.*

**H**Æc bona parantur *naturâ* & *arte*: vel *mercaturâ*, quæ vicem utriusque subit.

*Naturâ* enim parari intelliguntur, quæ ope *agriculturae*:

Arte quæ opificiis & artificiis mechanicis.

Utrumque



Utrumque supplet mercatura aliundè.

*Terracultura* vera & quasi: superficialis & subterranea; externa & interna.

Vera colit & curat agros, & *Agricultura* dicitur, speciatim *Ackerbau*.

Tum pecora, indè *Pecuaria* Viehzucht.

Quasi fossilia, id est metalla & mineralia.

Tum lapides vestigat & eruit, indè *metallaria* Bergwerk.

### De Opificiis.

**O** *Pificia* sunt artes mechanicae sive manuarum, quae potius corporis, quam animi functione perficiuntur, quae materiam ut plurimum *rudem* in varios usus humanos efformant, elaborant & excolunt.

Adeoque in plurimis ipsam naturam imitantur, & saepe numero superant manus opera. *Handwerk*.

Quorum tanta est vis ut in ditanda & amplificanda civitate agriculturae praestare videantur.

Singula verò praesupponunt materiam à natura productam, rerum *vegetabilium, animatarum & mineralium*.

Ceterum opificia sunt *propria* quaedam, quae rei propriae & usui certo destinata:

Quaedam *communia*, quae rei in varios usus.

Quorum tamen quaedam *necessaria* omnino:

Quaedam *utilia* Reip.

Quaedam *voluptaria* censentur.

Ad fruges destinata est *Ars molitoria*.

Ad panem coquendum *pistoria*.

Ad carnem faciunt *Lanij*.

Ad coquendam carnem *Coci*.

Undè & publicè expedit *coquos publicos* in Republ  
haberi.

Item *Hospitia* sive diverforia publica.

Præcipuum condimentum ciborum *Sal* est, quod  
natura producit; ars verò perficit, ut usui humano  
commodum.

Undè genus opificii, quod sal coquere & usui ido-  
neum reddere potest.

Ad aquam ducendam ars de *ductibus aquarum &  
fontium*.

Ad potum faciunt artes, quæ potum coquunt & pa-  
rant.

Cum enim aqua ubivis non adeò salubris, nec ubiq;  
vini copia: humanum ingenium aliud genus potus in-  
venit, quod *cerevisia*, ex frugibus, lupulo & aquâ con-  
coctum, sive ex hordeo sive ex tritico.

Huc pertinent & alii *factitij potus*.

Sanitati præservandæ & curandæ inservientes artes  
sunt (præter *Medicinam*) *Chirurgia*, *Pharmacopœja* &  
*Chimica* sive Spagitica.

Tum *Aromataria* &c.

Opificia & artificia ad amictum spectanda sunt, quæ  
materiam primùm præparant.

Ex vegetabilibus, lino, gossipio, cannabi, foliis &  
corticibus arborum:

Ex animatis, lana ovium, pellibus, coriis, pi-  
lis animalium, ex piscium tegumentis: ex avium plu-  
mis.

Ex metallis.

Deinde sunt opificia, quæ elaborant & vestimenta  
conficiunt ex materiis præparatis.

Quoad corpus totum & partes.

Tum

Tum quoad utrumque sexum, virilia & muliebria:  
nec non communia:

*Sartorum, sutorum, pellionum, pileonum &c.*

Ad habitationem & ædificia pertinet *Architectura.*

Opificia ad suppellectilem domesticam, & varia instrumenta pacis & belli tempore, *fabrilia, armaria, arsenaria &c.*

Artificia deinde sunt quædam ad ornatum spectantia *pietoria, sculptoria, statuaria.*

Artificia ad rem librariam pertinentia: *Typographia, Chalcograph.*

*Ad Musicam*

*Ad Lufum.*

Item vilissima, ut sunt *carminaria, carbonaria, balneatoria, & tonsoria.*

### *De Mercatura.*

**D**Enique ad parandam sufficientiam rerum succedit *mercatura:*

Quæ bona omnis generis ad Remp. pertinentia aliundè in Remp. seu civitatem *invehuntur:* contra verò, superflua interdum aliorsum *evehuntur.*

Tàm *mari* & fluminibus, quàm *terrâ:* hæc *vehiculis* perficitur, illa *navigiis.*

Ad vecturam *planities terra* expedit,

Quæ vel naturâ ita est, vel quantum fieri potest arte facienda.

Adcoque *viarum publicarum ratio* habenda, ut & idoneæ sint, & tutæ ad vecturam, & iter hominum.

Ad *navigationem* aquas natura, vel etiam ars subministrat.

Ad quam etiam *portus capax & tutus* constituendus.

Ut autem sunt innumeræ merces: ita quoque varii & innumeri *mercatores* necessarii.

Sunt etiam certi *mercatus*, sive nundinæ instituentæ, in quibus peregrini cum incolis varia commercia tractent, & certa loca mercibus exoticis deponendis assignanda *Stiderlage* &c.

Respubl. ergò quoad conservationem vitæ & corporalem perfectionem adipiscendam, constat *Agricolis, pastoribus, venatoribus, aucupibus, piscatoribus, hortulanis, metallariis, opificib. & artificibus manuariis, mercatoribus & nautis.*

### *De Nummis.*

**H**Actenus de rebus naturalibus, quæ naturâ, & vel naturâ & arte simul constant:

Sequuntur res civiles & legitimæ, quæ vices naturalium & artificialium sustinent vi legis, & indiguntur *Nummi.*

Nummus enim est materies, seu res quædam publico valore cætera quæque inæqualia commercii æqualiter dimetiens.

Efficiens Nummi in Rep. est *Princeps.*

Qui non tam *condere*, quàm pretium imponere, omniaque requisita & qualitates nummorum in suâ Republicâ ejusque partibus necessariorum præscribere.

Nec non alienos nummos *assumere* potest & debet.

Jus verò cudendi *Magistratibus committi, aliisq; permitti* hodiè solet.

Tàm *prescriptione* & consuetudine immemoriali quàm *privilegio.*

*Finis* nummi est dimetiri & æstimare cætera omnia

minia cœquando inæqualia æqualitate quantitatis.

Proindè non immeritò loco bonorum, quorum valorem & æstimationem continet, & definit, habetur.

Absolutus finis & cum aliis communis, est *Salus Reipub.*

Matèria nummi est vel ordinaria & genuina: vel extraordinaria & impropria.

*Ordinaria* materies ea eligi debet, quæ suâ naturâ & proportionè rebus ubique cœquandois habilis & stabilis esse potest:

Qualis est materia pretiosa metalli, *auri & argenti* ubique valentis & durabilis.

Deindè quoque materies minus pretiosa adhibetur, æs, quod minus durabile & incerti pretii.

Nummi ex auro & argento *puro* cudi possent: sed hodiè ære saltem æquabili portione *misto* formantur.

Mistionis causâ censetur *soliditas*, & durities nummorum: tum quoque, ut *impendium fabricationis* rependatur.

Æquabilis verò mistura est, quæ puritatem metalli utriusque quoad fieri potest, quàm proximè accedit.

Quod fit cum *vicecima quarta pars* tantum in marcâ auri, atque in marcâ ægenti *pars duodecima* tantum ex alieno metallo admiscetur.

Forma nummi consistit in *valore publico*.

Valor publicus à *pondere, charactere, & æstimo* dependet publicis & legitimis.

Nummo ergò cuique certum & uniforme *pondus* assignandum est.

Deindè signandus *charactere* publico.

Putà Principis, vel Principis & ejus, qui jussu

aut privilegio nummos cudt.

Signatio plerumque continet nomen, effigiem, insignia, vel quodvis aliud symbolum & signum Principis aut cudentis, aut utriusque.

Deniq; *publicam & perpetuam estimationem*, inprimis ex bonitate & pondere justo, materiæ, nummis indioporter.

*Genuinus* ergò & bonus nummus est, qui bonâ materiâ, pondere, caractere, & pretio legitimo constar.

Hæc de materiâ & formâ nummi perfectâ.

*Materies extraordinaria* est, quæ minus habilis est, & in defectum ordinariæ, plerumque urgente necessitate suffici solet.

Hæc regulariter collatione ordinariæ pro falsa habetur.

Neque locum nisi necessitatis tempore habet:

Quo pacto etiam ejusmodi nummi causâ cessante, permutatione legitimorum redimendi sunt.

Hæc de causis nummi: sequitur Qualitas.

Quæ est *figura*, quæ si rotunda, tractabilior & durabilior quâvis aliâ censetur.

Deindè quodvis aliud adjunctum. (aperiens:

Putat *numerus* in proportionem cum reliquis valorem

*Annus* quò percussus,

Et *Nomen* in publicatione exprimendum.

Porrò *nummi partitio* in partes minutiores & minutissimas faciunda est, ut ad qualvis maximi, minoris & minimi pretii merces commutandas seu emendas valeat.

Partes autem istæ, quæ numeris integris constiterint, perfectiores erunt, & usui populi commodiores.

Partitioni convenienter adhiberi videtur *Sexagesarius*. Iccir-

Itcirco ejus ratio inprimis in nummis habenda.

Altera distinctio nummi ex materiâ & caractere defumitur, ut alii *aurei*, *argentei*, alii *ærei* percutiantur.

Majores ex auro & argento,  
Minutiores ex argento etiam:  
At minimi ex ære.

Modi autem cudendi nummos duo esse possunt,  
*fusio* & *percusio*.

Cujus rei gratiâ officina certæ & publicæ quoad fieri potest, quàm paucissimæ constituendæ sunt.

Tum *Magistri* & *ministri* idonei & probi præficiendi, ut omnis fraus & corruptio evitetur.

Denique necessum est *alienos nummos adsciscere*:

Eâ lege, ut bonitati propriorum æqualiter aut saltem majori ex parte respondeant.

### *De Loco sive Regione Reip.*

**P**rimariâ Reip. fundatio Partes Reip. colligit.

*Secundaria* collectas loco collocat, & territoria certo definit, tum quoque tectis includit & domiciliis.

*Loci* verò delectû haberi oportet, ut sit talis, in quo homines, sive cives sufficienter, *commode* & *tuto*: tum quoque *jucunde* vivere possint.

Quocircâ rationem loci opportunitate bonorû naturalium & civilium: quæ necessaria, utilia & voluptuaria, vel ex ipsâ Rep. vel ex vicinâ, metiri oportet.

Unde Qualitas loci Reipub. apti, in requisitis subsequentibus quaerenda est.

1. Num aër *salubris*?

Qualis fuerit, qui temperatus.

2. *Aqua* *sufficientia* & *salubritas*.

Quæ ex perenni fonte delabitur, vel fluvio per saxa decurrit.

3. An cibi & potus copia.

Tum medicamentorum commoditas

Quæ à terræ cultura dependet.

4. Videndum, num regio ingenia ind. stria opificiis excolendis apta foveat:

Quorum laboribus non tantùm sufficientia rerum parabitur & elaborabitur: verùm etiam Resp. locupletior & potentior reddetur.

5. Discutiendum, num commercia maritima & terrestria frequentissimè tractari possint.

6. Num talis sit locus, in quo facilè nummorum copia, qui nervi rerum agendarum adquiri & p. rari possit.

7. Locus eligendus erit tutus.

Qui vel naturâ tutus, vel arte reddi possit.

8. Requisitum à loci naturâ petendum est amœnitas.

9. Hæc omnia cum populi naturâ, moribus & ingeniis conferenda.

10. Non sui tantùm loci, sed quoque alieni, vicini, sive aliquantillum distiti, eâdem ratione, quâ dictum est, respectum haberi oportet.

Et quanquam hæc requisita universa & singula uno in loco vix reperiantur, ea tamen sunt seligenda, quæ potiora cæteris.

### De Territorio.

**T**erritorium à terrendo dictum, est ambitus soli marisvè, limitibus certis imperii, jurisdictionisq; exercendæ gratiâ definitus:

Aliàs



Aliàs ditio, districtus, provincia, diœcesis &c. dicitur.

Causa est D E U S opt. max. qui omnia mensurâ definivit, & Rerumpub. fines constituit.

Partes territorii sunt *termini limitibus circumscripti*, imperium, jurisdictionemque intra sese complexi.

*Limites* sunt signa sive notæ, quæ fines jurisdictionis territorio in hærentis demonstrant.

Et dependent vel à *naturâ* vel *ab arte*.

Territorium est vel universale vel particulare.

*Universale* quod finibus summi imperii concluditur.

*Particulare*, quod terminis imperii jurisdictionisq; limitatæ comprehenditur.

Prout enim regio, sive regnum fuerit amplissimum: ita quoq; publicè expedit, illud in multa territoria partiti.

Contrà quò arctior Respubl. eò parcior territorii distinctio.

*De Structurâ ædificiorum Urbis, Suburbiorum, de viis, locisq; publicis & privatis.*

Civitas cohibenda & tuenda urbe, suburbiis, pagis, vicis.

*Urbis* est nihil aliud, quàm ordinata, commoda, tutaque, nec non ornata ædificiorum compages & locorum dispositio, populi inhabitandi causâ facta.

Partes urbis sunt *ædificia*, nec non *loca* publica & privata.

*Publica* quæ publicis rebus & negotiis destinantur, nec non publicis personis, quæ illis præficiuntur.

E

Quæ vel ad administrationem Juris sacri & profani;

Vel ad defensionem ejusdem spectant.

Ædificia privata sunt singulorum *domus & ades.*

Deinde spatia Urbis sunt vel *via*, & *loca capacia* in urbe, & extra urbem, negotiationi & conversationi civili deputata.

*Via sunt publica & privata.*

Publicæ quæ cuivis è populo patent.

Loca autem publica commerciis destinata sunt *Fora Venalia.*

*Suburbiorum* fermè est eadem ratio.

Nisi quod interdum *pecuniaria* sibi vendicent *adificia*, vilissimis & sordidis opificiis idonea, aut à quibus periculum incendiorum timetur.

Vel *villas*:

Vel *hospitia & diversoria publica*, ubi die noctuq; diverti liceat.

Vel denique *hospitalia, nosocomia, cæmeteria* &c.

Quod ad ordinem & dispositionem attinet, primū attendi debet *Situs totius Urbis*, ut ad frigus & calorem aëris temperatum disponatur.

Deinde quoque materia urbi idonea eligenda, in primis *lapides* incendii evitandi gratiâ.

Præterea quoque *figura* Urbis rationem habere oportet.

Denique & *facies & ornatus* ejus non debet negligi:

Item *modus*, id est, latitudo, altitudo & longitudo.

Hæc quoad totam urbem.

Quoad partes, opus est, ut ordine disponantur & se-gregentur *civilia adificia a sacris, militaria ab utrisque, & ita publica à privatis.*

Formam

Formam quoque modum & ornatum in singulis ædificiis publicis & privatis differentem constitui expedit.

*Privatas itaq;* domus secundum ordinem viarum publicarum, ad pares dimensiones extrui oportet, ut formam urbis exornent.

Nequicquam tamen exporrectum habeant, ut ne viam aut lucem impediant.

Earum quoque ornatus & splendor mediocris esse debet: neque antecellere publico.

Porrò urbes vel majores sunt:

Vel Minores, quæ *oppida*.

Ex majoribus una solet esse *metropolis*, quæ mater quasi aliarum.

Item *regia* sive principalis.

In Urbibus Opifices & Mercatores locari oportet, qui post agricolas sufficientiæ rerum & nummorum, quibus Respub. potens & nervosa redditur, invigilent.

Denique *pagos* quoque & *vicos* in regione Reipub. passim locari & distribui oportet, in quibus agricolæ.

Haud rarò tamen quosdam in Urbibus admisceri publicè expedit.

Adeò ut ne minima terræ portiuncula inculta relinquatur.

Et omnia ita ordinanda, ut mutuâ operâ & ope sibi subveniant, nec uni loco omnia deputanda.

*Hæc de primâ parte artis Politicæ.*



## LIBER SECUNDUS

DE

REP. CONSER-  
VANDA.

*De Rep. ordinandâ & distin-  
guendâ in Status.*



ACTENUS de Republ. fundandâ dictum: sequitur pars altera politices de Rep. conservandâ.

Respubl. sive Civitas, collecta ex hominibus & rebus, imperioq; summo coadunata, *conservanda est.*

Quæ ut conservetur, primum *ordinanda* in certas classes:

Deindè *ordinata* artibus & doctrina *informanda.*

Nec non *informata jure gubernanda* & administranda.

Atque denique *defendenda* & tuenda.

Ordine itaque omnia.

Nimirum *personæ*, earumq; *potestates & officia*; tum & *res Civitatis & familiarum* disponi & distribui debent.

Quarum

Quarum ministerio, functione & ope cives fines destinatos consequi possint.

Quod ut fiat oportet Remp. in certas & segregatas classes sive status partiti:

Statum intelligo certarum personarum, rerumque civilium, officii & functionis cujusdam civilis expediundæ gratiâ ordinatam unionem & cœtum, vulgò Stände.

Qui duplex, publicus & privatus.

*Publicus status* consistit in unione personarum & rerum publicarum, quæ Reipubl. & populo universo inserviunt.

Qui sacer & profanus,

Et hic civilis sive politicus, vel militaris.

*Status sacer* est potestatum, personarum & rerum sacrarum quæ disciplinæ & religioni inserviunt, vulgò der Ehrstand.

Qui Scholasticus & Ecclesiasticus, sive Scholarum & Ecclesiæ.

*Scholasticus* occupatur in disciplinâ & informatione civium.

*Ecclesiasticus* in doctrinâ sacrâ cultus in primis divini causâ.

Hinc ergo caput de Scholis & Ecclesiâ.

*Status politicus* est potestatum, personarum, rerumque civilium sive publicarum (ita in specie) consociatio, quæ administrationi justitiæ inserviunt, tempore pacis der Regierstand.

Undè caput de Magistratibus, Judicibus, Consiliariis, Legatis &c. togatis.

*Status militaris* est, qui militiæ & defensionis Reip. destinatus der Wehrstand.

Denique est *status privatus* singulorum civium & Patrumfamiliarum, qui sufficientiam rerum ad vitam civilem necessariorum & utilium procurant de *Deh*-  
stand.

Utraque personas in publicas & privatas distingue-  
re, ita & bona publica & privata segregare oportet:

Utraque in *immobilia* & *mobilia*.

### *De fundis & agris publicis.*

NAM ex bonis in Rep. extantibus Quædam *Patri-*  
*monio* & *usui populi*:

Cætera omnia *singulorum* destinantur.

Quippè quod Rep. sine quibusdam rebus commu-  
nibus & publicis subsistere non possit.

Hæc ergo bona publica partim consistunt in fundis  
publicis:

Partim in pecuniâ publicâ.

*Fundi sunt*, agri publici, pascua, nemora, sylvæ, flu-  
mina, fontes, metallifodinæ, & id genus alia, quæ Rep.  
assignanda.

Quæ bona immobilia necessariò constituenda  
sunt; quibus & constanter & diuturnè res populi fir-  
matur.

### *De Aerario.*

PRÆTER hæc bona, *Nummorum* quoque *sufficientia*  
desideratur, quæ bona mobilia dixeris.

Quorum ratio à confectione *æarii* dependet.

Conficitur æarium compèdiis publicis & privatis.

Utrisque ordinariis & extraordinariis.

Putà *Reditibus* ex patrimonio & bonis publicis.

Ex *Agris*, *Venatione*, *Metallifodinis*, *Salinis*, *Solo*  
*publico*, *Usuris publicis* & *Monte pietatis*, *Opificiis publi-*  
*cis* & *mercaturâ*, *Monopoliis* &c.

Pri-

Privata compendia sunt partim imperata à privatis conferenda: partim spontanea.

Imperata sunt *vectigalia*, in quibus causa, persona, res, modus, census, immunitas.

Tum Species; *Portaria*, *portoria*, *ripatica*, multa, compendia ex jure migrat. *Civitatis* &c.

Deinde *vectigal. fundorum privatorum, adium, molendinorum* &c. *Opificior: artificior: collegior: Mercium, fumentor. Hereditat. Lagator. Dotium* &c. *detractiones.*

Extraordinaria sunt *Capitatio, Hospitatio, fugatio, Collectatio, Nummarij estimij auctio* &c.

Sunt & *Vectigalia Quasi Utpote*

*Mutua pecunia* sumpta à civibus & peregrinis, unde *Mensa argentaria.*

*Ademptio rerum privat: postea pretio redimend. &c.*

Denique sunt *illicita, injusta & superflua vectigalia*, quæ ad morbos ærarii referenda.

Voluntariæ verò collationes sunt

*Testamentar. hereditates, Legata, Donationes in Remp.*

Quarum causa *προκαταρκτικαί* attendendæ,

Ex hisce universis & singulis conficitur ærarium,

Quod triplex: *Sacrum*, & hoc *Scholasticum & Ecclesiasticum*, quod & *Eleemosynis, decimis & primitiis præ* cæteris gaudet.

*Civile & Militare.*

Unumquodq; verò commune est: ordinariis expensis destinatum.

Et *Sacratius* quo publici thesauri reconduntur, extraordinariis impendiis reservandi.

*De Patrimonio singulorum.*

Hæc de bonis publicis.

Cætera quæque bona *singulorum* patrimonio & usui relinquenda sunt.

Quorum *possessio & dominium* jure gent. & civili acquiritur, de quibus infra.

*De Collegiis, Corporibus & Universitate.*

CÆterum ut singuli status eò rectius & facilius sua munera expedire possint, opus est, ut in alias partes subdividantur, quæ *Collegia* dicuntur.

Est enim collegium certarum personarum (saltem trium) ejusdē potestatis & muneris, rerumq; ad id pertinentium unio, autoritate Principis facta aut concessa.

Undè in statu sacro *Collegia Sacerdotum, Doctorum, Professorum, artium & scientiarum.*

In statu politico *Magistratum, Judicum, Consiliariorum.*

In Polemico *militum & exercituum.*

In statu privato *Agricultarum, Mercatorum, Opificum.*

Undè collegia publica & privata.

Unita Collegia inter se *corpus* efficiunt, puta pistorum, futorum, sartorum &c.

Corpora unita efficiunt *universitatem.*

Quamvis interdum hæc nomina promiscuè usurpentur.

Solent plerumque singula uti suâ politiâ, id est, *jure, legibus, privilegiis, pactis, suâque administrandi formâ.*

Quatuor itaque classes & ordines in Republ. institui, in quibus personæ & res: easque vicissim Collegiis disponi, oportet.

Quorum munere & mutuo auxilio Cives suam perfectionem & beatitudinem civilem adipisci possunt.

Undè summatim colligitur Remp. constare *Principe, Sa-*



*pe, Sacerdotibus & Doctōribus, Magistratibus, Militibus, Agriculis, Opificibus, Mercatoribus:*

*Tum Fundis & Nummis publicis & privatis.*

### *De Disciplinâ & Artibus.*

**H**Æc de ordine.

Ordinatæ ita Civitatis Cives, ut fines destinati consequantur, opus est summo operè, ut primitus *artibus animi & corporis* informentur; *doctrinâq;* *verè* doceantur & ducantur.

*Quod fit disciplinâ & doctrinâ.*

Disciplinâ informantur cives, quoad animi & corporis artes discendas.

Animi artes continentur *Theologiâ & Philosophiâ.*

*Theologia* sapientiam divinam divinitus patefactam suppeditat.

*Philosophia* verò suggerit cognitionem omnium scibilium, quantam mens in hac naturæ imbecillitate consequi potest.

Undè etiam corporis artes includit.

Utriusque scopus est, ut homines notitiâ rerum divinarum & humanarum imbuti, felicitatem & beatitudinem adipisci possint.

Adeò ut impossibile sit, cives absque informatione earum rerum fines propositos consequi.

Porro cum *Philosophiæ* artes triplices sint, *Theoretica, practica, & poetica:*

Artibus quoque hisce universis cives informari & erudiri publicè interest;

Quanquam non singulos singulis.

In quâ re congrua proportio observari debet, ut sin-

guli cives suis artibus informati, cæteris concivib. mutuiter opem & operam conferant.

Theoreticæ sunt *Metaphysica*, & *Physiologia*.

Cujus species sunt:

1. *Physica* de Spiritibus. Undè *Angelographia*.

De Corporibus *Stæchiologia*, *Uranographia*, *Meteorologia*, *Metallographia*, *Dendrographia*, *Zoographia*, *Anthropologia*, cujus partes *Somatologia* & *Psychologia*.

Ex quibus *Medicina*.

2. *Mantica* artes divinandi.

3. *Mathematica*, ad quam *Arithmetica* & *Megethica*.

Ad quam *Cosmographia* & *Astronomia*.

Quo pertinet etiam *Pyrotechnia*, *Meteoroscopia*, *Dioptica*, *Gnomonica*, *Optica*, *Catoptica*, *Sciographica*, *Hydrographica*, *Nautica*, *Hydraulica*, & *Natatoria*. *Geodesia*, & *Geographia*, *Chorographia*, *Topographia*.

Item *Musica* vocalis & organica, inflativa & intensiva.

Practicæ deinde artes sunt *Ethica* & *Politica*, quib. includitur *Oeconomica* & *Polemica*.

Ad quam refertur *pugilatoria*, *saltatoria*, ars equos inscendendi & equitandi, ars fortificandi loca, &c.

Huc pertinent deinde *Jurisprudencia*, *Historia*.

Denique *Grammatica*, *Rhetorica*, *Poetica*, *Logica*.

*Poetica* artes sunt necessariæ & utiles, quæ opus (præter cognitionem & actionem) etiam post se relinquunt.

Et referuntur ad corpus partim, partim ad animum & corpus simul, de quibus supra.

Quibus artibus opus est in perfectâ Rep.

Præter hæc necessarias sunt etiam quædâ ludicræ:  
Gesti-

*Gesticulatoria, Funambulatoria*: illicitas verò artes *Magia* nomine detestandas & è Rep. eliminandas, complectimur.

*De Scholis.*

**H**Æc de Artibus: sequuntur Scholæ.

Porro institutio, quæ fundat perfectionem, privata sit & publicâ necesse est.

*Privatam* exequentur *Parentes*, vel ipsi vel alii: quibus privatim Educatio committitur.

*Publicam Princeps* & Magistratus per Scholâs publicè apertas.

Hinc caput de Scholis.

*Schola sunt* cœtus docentium & discipulorum virtutes & scientiâs, aliasque bonas artes Reip. necessarias & utiles, tam belli quàm pacis tempore.

Quarum finis est eruditio hominum sive civium:

Tum salus Reip. quæ exindè resultat.

Siquidem virtutes & artes discendæ sunt, nō tam ut discipuli proficiant, quàm aliis, qui ope virtutū & artium indigentes, defectū suum communicatione aliorū bonorum suppleant, tam in statu privato, quàm publico.

Forma in recto docendi & discendi modo consistit, de quâ in Politiâ Scholasticâ agitur.

Partes ergo Scholarum sunt personæ *docentes* & *discipuli* virtutes *pietatis* & *probitatis*: scientiâs aliasque artes, tam *corporis*, quàm *animi*, quibus quis informandus est, ut utilitatî publicæ & sibi satisfaciât.

Undè Scholæ in *liberales* & *illiberales* quodam modo distingui videntur.

*Liberales* tractant potissimum artes animi.

*Illiberales* artes corporis, quæ *Mechanica*,

Hinc caput generale de *Præceptoribus, eorum electione & qualitatibus, cum officio & potestate.*

Deindè caput de *discipulis, de eorum ingeniis &c.*

Denique de *libris, quibus artes continentur.*

Quorum causa publicas *bibliothecas* haberi publicè expedit.

Cum verò artes omnibus, omniq̃ue in loco æqualiter proponi nequeant, idè per Scholas diversas disponendæ & distribuendæ sunt.

Indè gradus Scholarum in Rep.

Ut Scholæ instituantur vel *vulgares & vernaculae*: vel quæ uberiores artium institutionem continent.

Vulgares seu vernaculæ, in quibus pueri, puellæque primordia pietatis & virtutum, aliasque artes utiles, puta numerandi, metiendi, scribendi &c. discant.

Quæ ubique locorum, non tantum in urbe, verum etiam in *vicis & pagis* rusticorum institui debent.

In cæteris Scholis ingenia perfectius excolenda sunt.

Quæ ita *communes* cuivis promiscuè pateant, nullo habito respectu ingenii, generis & ordinis.

Vel singulares.

Communes institui oportet *triviales & Academicas*, seu inferiores & sublimiores.

In inferioribus seu oppidanis *propædua* exercenda est, id est, artes humaniores, cum principiis doctrinæ sacræ.

In *Academiis* sublimiores scientiæ tractandæ & absolvendæ, seu *pædua*, quæ in perfectiori Theologiæ & Philosophiæ cognitione & exercitatione occupatur.

*Schola singulares*, certis ingeniis deputandæ sunt, vel ex p'ebitate & nobilitate simul, vel ex nobilitate tantum.

Uti

Uti enim ordo plebejorum & nobilium atque officium differunt: ita quoque institutionis ratio differens institui debet, ut plebeji ad artes promiscuas: nobiles ad artes belli inprimis educantur.

Itaque *gymnasia* quadam nobilium instituendorum ordinanda essent, in quibus tam animum, quam corpus studio virtutis heroicæ & scientiis, artibus aliisque exercitiis nobilitate dignis excolant.

Quâ ratione & artes pacis & belli quàm optimè ad discantur, & cives eò facilius ad suam perfectionem perveniant.

Hæc de Scholis artium ingenuarum.

*Illiberalium artium.* Scholæ sunt penes mechanicos artifices.

Prospiciat itaque Princeps & Magistratus, ut institutio in artibus mechanicis etiam benè expediatur.

Siquidem etiam publicè interest, *artifices & opifices* probe informatos & exercitatos in Rep. habere.

Adeò ut nemo ad exercitium opificii alicujus admittatur, nisi à collegio artis specimine edito vulgò *Meisterstück* probatus & susceptus fuerit.

*De Doctrina sacrâ, Religione & Ecclesiâ.*

Hæc de informatione civium:

Porro cives non tantùm in cognitione veri & recti erudiendi & informandi sunt.

Verùm & inprimis per totum vitæ tempus docendi *doctrina sacrâ*, quâ ad rectitudinē vitæ in pietatē & probitate verâ ducantur, tandemque ad summum bonum & beatitudinem in hac & alterâ vitâ perveniant.

Quæ consistit in verâ Religione, id est, in contem-

platione & actione divinâ, sive veri DEI sensu & cultu.

Hæc enim doctrina divinitus inspirata, & patefacta à DEO docet; Quid DEO, quid proximo tribuendum: & quomodo homini in Rep. rectè vivendum; ut summam suam felicitatem consequatur.

Publicè ergò *verbum DEI prædicandum* est in cœtu publico.

Qui *Ecclesia* dicitur, quæ nihil aliud, quàm publica congregatio doctrinam cœlestem prædicantium & audientium, salutis æternæ adipiscendæ gratiâ instituta.

Siquidem alia bona naturalia & civilia, homo artib. & studiis humanis; at bona supernaturalia non nisi *operatione Spiritus sancti*, qui efficax est per prædicationem verbi divini in cordibus auscultantium, consequi potest.

Quàm necessaria itaque est homini salus æterna; tam necessaria quoque prædicationis verbi divini esse intelligitur.

Proindè doctrina ejus summo studio Politici, & veri Principis Christiani in Rep. colēda & propagāda est.

Continetur autem duabus partibus: de *fide* nimirum & *operibus* fidei.

Prior docet, quid credendum; posterior quid agendum.

Fidei regula consistit in *Symbola Apostolorum*.

Quod continet duo membra. Unum de DEO, alterum de Ecclesia.

In DEO natura & actiones sive opera ejus consideranda.

Circa naturam docendum est; quòd sit DEUS, & qualis sit.

Nimirum

Nimirum *unus essentia, simplicissimus, perfectissimus & optimus.*

*Trinus in Personis, PATER, FILIUS & SPIRITUS SANCTUS.*

Opera deinde DEI docenda sunt: 1. *Creationis.*  
2. *Redemptionis,* & 3. *Sanctificationis.*

*Quod creavit mundum, Angelos & hominem:*

*Et q̄ providentiâ suâ omnia gubernet & conservet.*

*Deinde peccatum & miseriam hominis.*

*Adeoq; quatuor status hominis, integritatis, lapsus, grâtiâ & gloria doceri oportet.*

Unde de *Redemptione* per Christum doctrina, de *personâ & officio Christi*, de *fœdere DEI gratuito*, de *prædestinatione*, *fide*, *spe*, *charitate*, de *justificatione & sanctificatione hominis*, de *pœnitentiâ & vitâ Christianâ*, de *novissimo statu hominis*, ubi de *morte*, *resurrectione*, *gloriâ cœli*, & *pœnâ inferni*.

Præterea de *Ecclesiâ*, *Ministris Ecclesiæ*, & *eorum vocatione*, *potestate & disciplinâ Ecclesiasticâ*, *objurgatione* nempe & *excommunicatione* agendum erit.

Item doctrina *Sacramentorum* veteris & novi Testamenti, de *circumcisione & Agno Paschali*; *Baptismo* & *Cenâ Domini* diligenter inculcanda.

Et hæc quidem quoad fidem in primâ parte.

In alterâ parte doctrina de *bonis operibus*, quæ fiunt ex fide secundum legem DEI, & ad ipsius gloriam tendunt, explicanda est Nam Lex DEI est sententia à DEO data de ratione ipsum colendi, & vitam rectè instituendi, præcipiens faciendâ, & vetans omittendâ.

Quæ triplex:

*Moralis*, & continet pietatis erga DEUM & probitatis in semetipsum & erga proximum officia.

Summa ejus in Decalogo comprehenditur in duas tabulas distincta, quarum prima de *dilectione DEI*.

Ad quam *preces, invocatio & gratiarum actio* pertinet.

Alterade *dilectione sui & proximi*.

Lex deindè *Ceremonialis & judicialis* conferenda est.

Tandem de *libertate Christianâ* differendum.

Quo ambitu tota doctrina de Fide & Operibus bonis in Ecclesia concludenda & tradenda est *ministerium Sacerdotum & Doctorum Ecclesia*.

Non igitur est hîc politici ea docere: sed ut rectè & ritè doceantur, beatitudinis & summi boni adipiscendi gratiâ prudenter prospicere & diligenter curare.

Quemadmodum autem id fieri debeat, in Politia sacra videbimus.

### *De Jure constituendo in Repub.*

**H**Æc de informatione & doctrinâ civium: sequitur ut de *jure* videamus.

Cum enim Cives vix disciplinâ & predicatione verbi divini boni efficiantur: nisi etiam jussu constringantur, ut rectè & civiliter vivant, partim ob malitiam naturæ partim etiam ob ignorantiam recti.

Ideò in Rep. constituendum est *Jus politicum*, quod rectitudinem vitæ civilis præscribat & præcipiat.

Ad cujus præscriptum omnes, qui in illa sunt, vitam instituere tenentur, ut fines præstitutos consequantur.

*Imperando* publicè quæ in Rep. facienda.

*Vetando* quæ omittenda.

Et interdum quædam *permittendo*:

Quod



Quod si non facienda facta, vel quæ facienda, non facta fuerint; *punienda*.

Vel si benè facta fuerint, *premiando*.

Itaque Jus nihil aliud est, quàm *Præceptum æqui*: quod Græcis ἐπικαιρῶς.

Exindè Respubl. existit & dicitur *Iusta & Legitima*: quæ Juris administratione continetur: Contrà illegitima, quæ *Tyrannis*, de quâ suo loco.

*Quid Æquitas, & quod in Proportionem  
Harmonicâ consistat.*

**Æ***quitas* est duorum, pluriumvé inter se convenientia & consensio.

Undè æquum erit, quod inter cives duos aut plures conuenit.

Nec enim honestum & turpe hîc per se consideramus,

Sed quatenus honestum est duobus aut pluribus in civili societate.

Hoc definire est Politici: illud Ethici.

Cum autem Justitia cuique suum tribuat, necesse est, eam quoque determinare, quod æquum sit inter cives.

Quod secundum *proportionem Harmonicam* dimititur & moderatur.

Quæ ex *Arithmetica & Geometria* conflatur; Rationibus parium & similium inter se modicè confusis.

Quæcunque ergò præcepta sive jura ex æquo definienda fuerint quoad personas & res, secundum proportionem Harmonicam conformanda sunt.

Ut cuique suum æquè tribuatur & conservetur.

Contrà si disponantur *secundum Arithmeticam*,  
omnia erunt paria.

Sin juxta *Geometricam* tantùm, nulla paria; sed  
omnia similia.

Utrumque cum *Injustitiâ* conjunctum est.

Idcirco paritate & similitudine quâdam medioeriter temperata, Jura personarum & rerum ordinanda sunt.

Quoniam *Geometrica* plus in pœnis & premiis, maneribus & dignitatibus polleat:

*Arithmetica* verò in conventionibus & contractibus prævaleat.

Æquum ergò est, id quod pari similiq; ratione moderatè confusum pluribus, aut duobus saltem in civitate convenit.

*Iniquum* contrà, quod pari tantùm vel simili ratione consentit.

Hoc destruitur Respub. illo conservatur.

### *Quid Jus politicum.*

Cum ergò nulla Respub. sine Jure subsistere possit, quaritur tandem, quale illud sit, quo Respub. quæque conservanda est.

Habemus enim JUS NATURÆ, habemus JUS GENTIUM, habemus JUS CIVITATUM & Rerumpubl. multiplex.

Nullum hîc per se satis congruum est.

Sed desideramus *Jus politicum*.

Quod est Jus cuique Reipub. congruum & accommodum.

Si enim una eademque populorum natura, & mores: Si una eademque omnium regionum & locorum ratio,

tatio, si temporum, causarum convenientia, aliarumq; circumstantiarum consensus:

Fortè unum & idem Jus universis & singulis populis conveniret: & res politica esset in facili.

Verùm enimverò cùm *Genius ingeniumq; populorum orbis varium*: variâ cœli climata; Diverfus locorum habitus, & reliquarum circumstantiarum maximum dissidium; adeò ut toto cœlo interdû hominum temperamenta & mores differant: & tempora belli & pacis, nec non montium & vallium, maris & terræ loca admodum varient;

Ideò pro ratione cuiusq; Reip. differente, differens Jus est constituendum.

Quod proinde Politicum indigitamus τῇ πόλει sive Reip. cuiq; singulariter & appositè accomodatũ.

Adeò ut quod *hic æquũ* statuatur, sæpè *alibi pro iniquo* habeatur.

Quod omne *Sapientia & prudentia* Civilis dijudicat & determinat.

*Sapientia*, quæ rerum divinarum & humanarum cognitionem prudentiæ suppeditat.

*Prudentia*, quæ pro varietate populorum, personarum, rerũ, locorum, temporum causarum &c. Jura divina & humana constituit, & singulis Rebuspub. congruenter adaptat.

### *De principiis Juris Politici, & de Jure Naturæ.*

**P**ORRò hoc Jus politicum colligendum est ex tribus principiis; *Naturâ, Ratione & Prudentiâ.*

Hæc enim tria unumquodque Jus politicum simul unita constituunt.

Propterea quod natura & ratio naturalis in juris constitutione imperfecta aut admodum vagari videatur,

Cum tamen jura perfecta, certa & finita esse debeant.

Jus ergo Politicum primum deducendum est ex *Præceptis Juris Communis.*

Quod *natura & ratio naturalis* inter homines ubique æqualiter & communiter constituit.

Quod proinde jus commune dicitur, quo communiter omnes homines utuntur.

Est enim ubique eadem natura, eademque ratio naturalis.

Ideo idem quoque & commune jus à naturâ & ratione profectum & cultum.

*Jus natura* est (à naturâ ad naturam tendens) quod natura omnia animalia docuit.

*Natura* est potestas DEI: ideo DEUS per naturam jus naturale omnia animalia, quæ in cælo, quæ in terrâ, quæ in mari nascuntur, docet.

Docet autem ut generent, seq̃, & generata conservet.

Hinc ergo descendit *maris & femina conjunctio, procreatio & educatio sobolis.*

### *De Jure Gentium.*

JUS commune alterum est, quod *naturalis ratio* inter homines constituit.

Et ideo *Jus Gentium* dicitur.

Estque primævum & secundarium.

*Primævum*, quod cum genere humano proditum est.

*Secundarium*, quod usu & humanis necessitatibus exigentibus introductum.

Consi-

Constituit verò ratio naturalis inter homines duo Jura, *Amorem erga DEUM & hominem.*

Undè Juris Gentium est *Religio* erga DEUM: ut parentibus & patriæ pareamus:

Et cum Natura cognitionem inter homines fecerit, nefas est, hominem homini insidiari; Contrà fas, ut vim atque injuriam propulsemus.

Undè ex hoc jure bella orta sunt, *servitutes & manumissiones subsecuta, discretæ gentes, regna condita, dominia distincta, agris termini positi, ædificia collocata, commercium, emtiones, venditiones, conductiones, obligationes instituta.*

*Exceptis quibusdam, quæ Jure Civili postmodum etiam adinventæ sunt.*

### *De Jure Civili sive proprio.*

**C**Æterum cum Ius naturæ & gentium politis Rump. non satis, neque semper omni ex parte idoneum sit:

Ideò præter Jus commune, prudentia Civilis tertium Jus addit,

Quod cujusque Reip. *proprium est*, & proinde *civile* appellatur.

Quasi quo præter jus naturæ & Gentium quolibet Civitas utatur.

Quod fit, *dum Juri communi vel aliquid addit, vel detrahât.*

Nec enim totum à Jure Naturali & Gentium recedit, nec per omnia ei servit.

*Addit* autem Juri communi, cum id supplet, eo quod deest, idemque declarat, & certis solennitatibus informat.

*Detrahit cum ejus vagum cursum coarctat, & certe limite definit.*

*Cujus fundamentum & ratio plerumque solet esse necessario vel probabiliter vera, vel saltem ficta ad similitudinem veri.*

Porro jus civile constituitur ita æquum, vel simpliciter vel comparatè.

*Simpliciter cum absq; collatione alius Juris cõditur.*

*Comparatè quando cum alio confortur, vel tempore libero, vel necessitatis.*

*Liberò tempore delectus præstatiæ Juris habendus est.*

*Ut Jus humanum cedat. divino:*

*Civile naturali & Gentium;*

*Privatum publico:*

*Singulare communi:*

*Utile honesto.*

*Nisi quod ea quæ simpliciter honesta non sunt, sæpè evidenti utilitati postponantur.* (cessant.

*Tempore vero non libero hæ regulæ aliquantillum*

*Cum necessitas legem non habeat,*

*Exceptis iis, quæ simpliciter pia & honesta sunt, quorum violatio semper impia & turpis est.*

Exindè constat, quod omnes populi, partim Jure communi, partim proprio utantur,

Quod utrumque unitum nos Politicum dicimus.

Quippè quod collectum sit ex præceptis naturalibus, gent: & civilibus, & suæ Reip. accommodatum.

### *De sanctione Juris & Lege.*

**H**Actenus de Jure politico, quid sit, & quib. principis constet.

Nunc videndū est, quomodo & quâ autoritate constituendum in Rep.

Jus

Jus politicum constituitur in Rep. vel *Sanctione*, vel  
*Consuetudine*, (matum aut populi.

Sanctiendum enim est *Jus autoritatis Principis*, *Opti-*  
*Aut ejus*, cui interdum potestatem sancienti com-

mittunt.  
 Hoc Jus ita sancitum, quia plerumque in scriptura

redigi solet, *Jus scriptum*, (res:

Et speciatim *Lex* dicitur.

Omnis verò *Lex generaliter* in omnes personas &  
 Et de iis casibus ferri debet, *qui iuris maiestatem*, id est, ut  
 plurimum accidunt, non qui ex inopinato, quos le-

gumlatores consultò præterire solent. (complectatur,  
 Adeò ut omnes personas obliget, & plerosque articulos  
*Lex Generalis in Monarchiâ Constitutio:*

In Aristocratiâ *Senatus Consultum*:

In Democratiâ *Plebiscentum* dici solet.

Hanc potestatem condendi legem solet Princeps  
 concedere & committere Magistratib. civitatib. & mu-

Undè *Jus Honorarium*. (incipiis.

*Jus Statnarium & Municipale* nomen habet.

Omne tamen vel expresso vel tacito saltem consen-

su Principis constitui intelligitur.

Adeò ut contradicente Principe tale Jus nullum sit.

Legumlationis pars altera consistit in *interpretatio-*  
*ne Juris & Mutatione*, de quâ suo loco.

### *De Privilegio.*

**I**ta generaliter Lex ferenda est:

Nisi quod interdum etiam Princeps *Jus singulare*  
 indulgeat contra tenorem rationis.

Cujus causa debet esse *evidens utilitas*.

In primis publica.

Conceditur autem *persona vel rei*.

Personæ *ob meritum*: vel cum ob facinus singulare *exemplum pœna* statuitur. Deindè *Rei* quæ etiam favorem meretur.

Sed hoc Jus ad consequentias non est producendum.

*De Scripturâ, partibus & publicatione Legis.*

**H**Æc de Legis sanctione:

Sancita solet *scripto* contineri & *publicari*.

*Scriptura* tenor comprehendit *præceptum*,

Interdum *rationes* præcepti.

Plerumque cum comminatione *pœnæ*.

Quas partes Legis principales dixeris.

Accessoriæ sunt præloquium & clausula, quæ *an-num, diem* &c. continent.

Deindè *Lex publicanda* est, ut omnibus innotescat.

Et post *certum* temporis lapsum obligationem pariat.

*De Consuetudine.*

**H**Æc de Jure sancito:

Jus sine sanctione est Jus, quod diuturnis moribus tacito populi consensu comprobatis introduci-tur.

Et dicitur *Consuetudo*.

Adeò ut de quibus causis scriptis legibus non uti-mur, id custodiri oporteat, quod moribus & consuetu-dine inductum est.

Quod Jus, *quamvis postea in scripturam redigatur*, naturam tamen legis non induit.

*Juris*



*Juris divisio in publicum & pri-  
vatum.*

**H**Æc de Jure in genere:  
Porro Jus in Repub. condendum est *publicum*  
& *privatum*:

*Utrumque de Personis & Rebus.*

*Publicum* publicè utile est.

*Privatum* quod privatim.

In consequenti publicum tendit ad privatum & contrà.

Cujus utriusque Harmonia Resp. quàm optimè se habet & conservatur.

*Publicum* ergò *jus est*, quod ad statum Reipublicæ spectat,

Nimirum quod ad *summum imperium*: cumq̃, qui imperio præest adeòq̃, ad statum præsentem.

Tum quod ad *classes & politias publicas* pertinet.

*De Jure summi Imperii, Statu, Reipubl. &*

*Principis: Tum Jure rerum pu-  
blicarum & princi-  
palium.*

**J**us publicum summi Imperii complectitur sanctio-  
nes de functionibus *Majestatis*: *Leges, status funda-  
mentales & actiones imperij.*

*Jura Principis, Populi, Optimatum.*

*Arcana Sophismata & Simulacra Imperij*

Sanctiones de *reservatis, regalibus & privilegiis prin-  
cipalibus.*

*Leges agrorum publicorum*

*Erarii publici & fisci.*

*Jura vectigalium & collationum &c.*

*De Jure publico sacro.*

**J**us publicum sacrum est, quod in personis sacris, earumque officio & potestate:

Tum rebus sacris consistit,

Personæ sunt Sacerdotes,

Res mysteria sacra.

Tum bona, quæ religioni inserviunt, sacra,

Vel quasi, quæ Ecclesiastica aliàs.

Constituendum itaq; Jus de personis Sacerdotum, & de mysteriis sacris & articulis religionis: tum de rebus & bonis sacris:

Quod pro varietate Rerump. varium fuit.

Hodiè ferè uniforme ex sacris fontibus desumptum, & ex Canonibus partim declaratum.

*De Jure publico Civili,*

**J**us publicum Civile est, quod de Personis Civilibus pacis administrationi inservientibus, earumque muneribus,

Putæ Magistratibus, Judicibus, Consiliariis, Legatis: tum de imperio & potestate earum, puta quod de ordinario Imperio, Jurisdictione, Consilio, Legatione agit.

*De Jure publico Militari,*

**Q**uod in Ducibus belli, nec non rebus ad militiam pertinentibus publicis consistit.

Cum quo bona & beneficia feudalia conferenda, de quorum Jure singulatim.

Aliaque ducum & militum privilegia.

Item res sanctæ, uti porta, muri &c.

*De*

*De Jure privato Personarum.*

**H**Æc de Jure publico;

*Privatum Jus est, quod ad singulorum equitatem & utilitatem spectat.*

Singulos intelligo in privato statu.

Quorum jus vel ratione *Civitatis*, quatenus sunt *cives*:

Vel ratione *familia*, quatenus sunt *Familiares* &c. investigandum.

*Modus acquirendi, conservandi & amittendi.*

Quisquid enim Cives agunt, vel agunt ut Jus adquireant, vel ut acquisitum conservent: quod post quoque interdum amittunt certo modo.

Primum ergo Civium singulorum jus in universum: post in specie considerandum est.

Universum spectat vel *viventes* vel *defunctos*,

Viventium & in civili unione conversantium Jus, quoad personas dependet à *Statu* & *Obligatione*.

*De statu hominum in Repub.*

**S**Tatus est triplex ex Jure *Naturali*, *Gentiū* & *Civili*.

*Statu naturali*, Civis est homo, habens caput naturale,

Quod in unione corporis & animæ consistit.

Qui *natus* est, vel *exfectus*, vel adhuc *in utero*, qui *Venter* dicitur.

Homo in lucem editus, vel est *Mas*, vel *Fœmina*.

Interdum *hermaphroditus*

Mas est vel *perfectus*, vel *Castratus*, vel *Spado* naturā vel factō.

Quod homo ratione sexus est.

Ratione adjuncti naturalis in homine *Ætas & Valetudo* consider.

*Ætas* est *impuerum* vel *puberum*.

Quæ *pubertas* plena, vel non prorsus plena.

*Adolescentia*, *Juventus*, *Senectus*.

*Inualeundo* Animi est *Dementia*, *Furor*, *Prodigalitas*.

Corporis *Morbus fonticus* & non fonticus.

Internus & externus, *Muti*, *surdi*, *caci* adfectus

Statu ex Jure Gentium homo est *liber* vel *servus*.

Undè *Libertas* & *Servitus*.

Status ex Jure Civili tertius est, quo Homo est *civis*.

Cui opponitur *peregrinus*.

*Civis* est *Nobilis* vel *Plebejus*.

Vel *aliâ cum dignitate constitutus*.

Quos *jure*, *signis*, *privilegiis*, & *vestitu* distingui publice expedit.

### *De Obligatione.*

**I**Ta se habet Jus status Civium.

Alterum Jus consistit in *obligatione*.

Quæ ex *conventione*, vel ex *maleficio* oritur.

Obligationis ergò Modi acquirendæ sunt *Conventio* & *Maleficio*.

*Conventio* vel est *Pactum* & *Pollicitatio*:

Vel *Contractus*, qui *Verus* vel *Quasi*.

*Conventioni* & *contractui* *disfractus* opponitur.

*Maleficio* verè vel *Quasi*.

### *De Jure rerum singulorum.*

**E**Thæc de personarum Jure

Jus rerum privatarum deducitur

Ex distinctione in corporales & incorporales: quæ servitutes.

Tum Possessione & Dominio.

Ubi modi acquirendi Juris Gentium, Occupatio, Traditio &c.

Et Juris Civilis Usucapio, Donatio, Legatum.

Successio ex Testamento & ab intestato.

Tandem agendum est de Jure Cadaverum, funerum, sepultura, monumentorum, privato.

Conservatio Juris personarum & rerum dependet ab Actionibus, Quibus opponuntur Exceptiones.

Amissio à Solutionibus, &c.

### De Jure Civium speciali.

**H**Æc de Jure Civium singulorum in universum: Deindè in specie eorum Jus considerandum est, quatenus certo jure gaudent, ut Agricola, Opifices, Mercatores;

Undè jura & privilegia Collegiorum eorundem.

Hæc de Jure Civium privatorum.

### De Jure familias.

**P**Rivati denique sunt familiares in familiis perfectis & imperfectis.

Quæ nominibus aliisque signis, tum mares & fœminæ vestitu, officiisq; singularibus discriminandæ.

Undè de Jure Maritalis potestatis & obsequij uxoralis.

De Jure Sponsal: & connubiorum.

De Jure Dotium, & donat: propter nuptias.

Item de dissolutione Sponsal. & Matrimonii

Deindè de Jure *patria potestatis*, & *filialis obsequii*.

De *Adoptione*, *Legitimatione*, *Unione prolium*.

De *peculio filiorumfam.* *profectitio*, *adventitio*, *castrensi*.

Item de *Modis* quibus *Jus patria potestatis* solvitur.

Prætereà de Jure *Consanguinitatis* & *Affinitatis*.

Denique de Jure *potestatis Dominica* & *obsequii servilis*.

De *Servis natis* & *factis* *Captivitate*, *venditione* *sui ipsius* &c.

De *peculio servorum*.

De *Manumissione*.

Jure *patronatus* & *libertor*.

De *Adscriptis*, *Hominibus propriis*, & *iis qui Manus mortuæ*.

### De *Tutelâ* & *Curatelâ*.

**S**equitur *Jus Tutelæ* & *Curatelæ*.

Undè de *pupillorum tutelâ*.

De *minorum*, de *majorum*, *virginum*, *uxorum*, *viduarum*, *senum*, *morbo sentico laborantium*, *mente captorum*, *Furiis*: *hominum simplicium* & *prodigorum curâ*.

Deque eorum, *bonorum administratione*.

Item quibus *modis tutela* & *curatela* finiatur.

### De *Emendatione Propinquorum*.

**I**tem de *Emendatione Propinquorum*, *Seniorum Præceptorum* &c.

Hoc ambitu *Jura personarum* & *rerum*, *publicarum* & *privatarum* concluduntur.

De quibus *universis* & *singulis* differendum esset, quomodo in *Rep.* constituenda, si unam *Remp.* subiectam haberet *Politicus*.

Sed

Sed quia pro *varietate populorum & circumstantiarum Resp. admodum variant*: ideò hoc totum negotium committendum est prudentiæ civili.

Nisi quod de singulis quædam generatiora attingi: De specialibus verò per discursum collatione Jurium & Rerump. institutis agi possit.

Justamen *divinum* & Hebræorum, Jus Græcor. Jus Roman. sive civile, Jus Canonicum, Jus Saxonicum &c. majorè & potiorè partem Juri suppediabant politico.

### *De incitamentis Obsequii.*

HÆc de Legibus:

Quarum vis nulla est, nisi Cives ad earum obsequium quibusdam *incitamentis* constringantur, fleantur & instigentur.

Quæ sunt *Censura & Pœna, Premium & Exemplū.*

Metu enim correctionis & coërcitionis mali à vitis & delictis abstinere & deterrentur:

Aliique meliores redduntur.

Beneficiis verò & exemplo ad obsequium recti eò magis moventur & pertrahuntur.

Quæ ratione Resp. in tranquillo constituetur & virtutis studium excitabitur.

Ne ergò homines contra honestatem quid committant leges muniendæ & sancientiæ sunt metu censura & pœnæ.

Quod si contra fecerint, corrigendi & coërcendi.

### *De Censurâ.*

Itaque primùm in Rep. *censurâ opus est*, quâ facinora leviora, vitia & mores corrupti, qui pœnâ adhuc meteri non videntur, corriguntur & emendantur.

Putat *luxuria, gula, crapula, lascivia in vestitu,*

*prodigalitatē in conviviiis, adificiis, aliisq; sumptibus inani-  
bus, lusus, ocii, pigritia, Veneris, & quæ sunt id genus  
alia.*

Quippè quo medio homines libidini animi indul-  
gentes confunduntur, atq; metu ruboris & notæ cen-  
soriæ à vitiis arcentur.

*Huc pertinent severæ dehortationes & comminationes  
à Sacerdotibus & Magistratibus faciendæ.*

### De Pænâ.

**C**Ætera facinora graviora metu pænæ cohibenda  
sunt & coërcenda.

*Quæ delicta dicuntur, & adversus leges committun-  
tur.*

Undè pæna describitur hominis malè viventis &  
contra leges delinquentis coërcitio.

Pænæ autem propter *facta, dicta, scripta, consilia* im-  
ponendæ sunt.

Ut unusquisque ex suo facinore

Et plures ejuldem delicti in solidum teneantur.

Estque pæna *vel expressim* in singulis delictis fre-  
quentioribus & atrocioribus sancienda; vel saltem *ar-  
bitrio* Magistratus in levioribus casibus committenda.

*Norma Justitiæ* secundum proportionem Harmo-  
nicam, ita tamen, ut hîc Geometricæ rationes aliquan-  
tillum prævalere videantur.

Quæ pæna delicto æqua præfinienda, id est, neque  
major, neque minor.

Circumstantiis personarum causarum, loci, tempo-  
ris, quantitatis, qualitatē, eventus &c. prudenter pen-  
sitatis.

Coërcitio



Coërcitio verò fit *privatione* quorundam bonorum humanorum & civilium, ad beatitudinem civilem pertinentium: Puta *Vita sanitatis & perfectionis corporis, Fama dignitatis, civitatis, libertatis, pecunia,*

Adeò ut interdum is, qui non luat *ere*, luat corpore.

Exindè pœnæ *capitales* & varia *suppliciorum* genera:

Et non *capitales* quævis aliæ oriuntur, *infamia, mulctæ, confiscationes &c.*

### De Præmiis.

HÆc de Censurâ & pœnâ:

*Premiorum* præterea promissione & spe, non minus ac metu correctionis cives bonos effici oportet.

Uti enim pœnis maleficia: ita & justitiæ norma benefacta præmiis digna sunt.

Adeò ut nulla Resp. salva existere possit, nisi bonis & benè meritis præmia conferantur.

Est enim præmium beneficium benè viventi & merenti de Rep. publicitus communicatum.

Communicandum prudenter & justè ab eo qui potestatem publica beneficia impertiendi habet.

Secundum proportionem Harmonicam, circumstantiis prudenter discussis.

Et quidem *benè viventi & merenti* de bono publico.

Immerenti enim nihil, aut pœna debetur.

Benè autem quis vivit, qui ad præscriptum Legis.

Benè etiam meretur, qui de Rep. tota, vel ejus parte, virtute & functione civili meretur.

Uti sunt *Sacerdotes & Doctores in Statu sacro.*

*Principes, Magistratus, Judices, Senatores, Legati &c. in statu politico.*

In statu militari, *Duces, Centuriones, Milites.*

In privato *Agricola, mercatores, opifices, patresfam. & alii.*

Qui universi munere & industriâ suâ Reip. benefacere possunt: sed modo inæquali.

Proindè etiam *inaequalia premia* tribuenda.

Sunt verò triplici differentiâ beneficia:

Quædam enim sunt *Gratia*: quædam *Honoris*: quædam *Emolumenti*.

Singula declarantur suis *symbolis*, communibus Populorum, vel propriis Reipubl.

*Præmium Gratia est*, cum princeps benè meritum faventiâ prosequitur, Puta cum Princeps vultu, alloquio, colloquio, menta &c. benè meritum dignatur.

*Præmium Honoris est*, cum Princeps benè merenti honorem confert.

Cujus symbola varia, puta *tituli, nomina, vestimenta & ornamenta*.

Quod vel est *Nobilitatis*.

Quæ ob virtutem civilem excellentiorem togatam & bellicam confertur.

Cujus symbolum hodiè sunt *insignia gentilitia*:

Olim *statue, columna, imagines &c.*

Vel est *dignitatis alius*.

Cum munere publico Sacerdotis, Magistratus, Judicis, Consiliarii, Senatoris, Ducis &c.

Vel absq; munere, uti dignitatis & ordinis equestris, patriciatus, Doctoratus.

Cujus quoque symbola varia esse possunt, veluti *toga, latius, clavus, fasces, scepra, annulus, corona &c.*

Denique *præmium Utilitatis est*, cum Princeps concedit privilegia & munera; puta *veniam mortis, jus libertatis, civitatis, immunitates, opes, & id gen<sup>o</sup> alia beneficia.*

Quo

Quo *beneficia feudalia*, quæ fidelitatis & servitiorum bellicorum gratiâ conceduntur, referenda sunt.

Quoniam etiam quædam majora dignitatem annexam tribuant.

Princeps ergo pro discrimine meriti conferet præmia.

Ut Justitiæ satisfaciatur, & virtutis studium excitet, adeoque ipsius Reip. salutem promoveat & conserve.

### *De Exemplo.*

Hæc de præmiis: restat ultimum incitamentum. Quod est *exemplum bonæ vitæ* Principis, & eorum qui vice Principis imperiis & regimini publico præsunt.

Quo veluti speculo cives videant, quid sequendum, quid fugiendum.

Unde vulgatum: Qualis Princeps, talis populus. Et

*Regis ad exemplum totus componitur orbis.*

Bonos ergo & morigeros cives efficere desideras, ordine, disciplinâ, doctrinâ, lege, censurâ, pœnâ, præmio & exemplo efficere labora.

Hæc enim in universum media sunt, quibus cives ad rectitudinem vitæ perducī possunt: & quorum administratione Resp. conservatur.

### *De Rep. administrandâ.*

Hæc de Jure constituto, Quod rectè, riteque administrandum & defendendum.

Administratio Reip. expeditur *Personarum munere & certâ formâ*

Quam adjuvant *Consilia & Senatus*

Unde agendum est de personis & munerib. certâq; formâ administrandi principalibus: tum auxiliantibus.

*De Personis administrantibus.*

**P**ersonæ sunt *viri*, qui officio sivè munere certo Reip. gubernandæ à Principe vel vicario ipsius præficiuntur.

Viros dico: Nam mulieres ab officiis civilibus regulariter arcentur.

In hisce personis considerandæ sunt qualitates: tum Modus præficiendi.

Qualitates Animi, *Natura & ingenium, Pietas, Religio & virtutes reliquæ, artes & lingua, Sapientia & Prudentia.*

Deindè Corporis, *Temperamentum, Valetudo, Pulcritudo, Statura.*

Præterea Hominis totius *Ætas* crescens & decrescens; *Juventus, Virilitas, Senectus.*

Denique externa bona; *Gens & patria, genus, Nobilitas, Fama, dignitas, auctoritas, opes:*

Præter hæc communes Qualitates, sunt etiam considerandæ *proprie* cuius muneris singulatim congruæ, puta officio Sacerdotis, Magistratus, Judicis, Senatoris & Consiliarii; Legati & Oratoris.

Modus præficiendi consistit in *Electione*, quæ à *suffragiis* apertis aut occultis, vel *sorte* dependet.

Tum in *Confirmatione*, quæ plerumque *juramento & instrumento* publico fieri solet.

*De Muneribus.*

**H**æc de personis: Munus sequitur.

*Munus est officium ad status alicujus Reip. modera-*

moderationem & conservationem pertinens, necessarium esse videtur:

*Perpetuum vel temporarium.*

Estque vel *personale* vel *patrimoniale*.

Quandoquidem duo Reip. debentur: Opera & opes, sive pecunia.

*Personale* est quod corporis labore & cum animi sollicitudine & vigilantia expeditur.

Estque *publicum* vel *privatum*.

*Publicum* quod ad status publici gubernationem refertur.

Quod vel *ordinarium* vel *extraordinarium*.

*Ordinarium* certâ lege definitum, secus *extraordinarium*, quod in specie curatio dicitur.

Hinc caput de *Curatione*, quæ Græcis ἐπιμέλεια, & de *Curatoribus* Reip.

Utrumque est vel *honor*, vel *Ministerium*.

*Honor* est publicum munus cum dignitatis gradu.

Vel cum imperio & jurisdictione, vel sine imperio.

Putâ Sacerdotum, Magistratum, Judicum, Senatorum, Legatorum.

*Ministerium* publicum est munus onerosum, dignitatis expers.

Quod interdum etiam *vile*,

*Privatum* quoad privatorum utilitatem.

Muneri personali solet plerumque remuneratio fieri *honorarij* vel *mercedis* loco. Quod *Salarium*.

Munus *patrimoniale* est quod sumtu atque erogatione constat, & continet collationes ordinarias & extraordinarias, vectigal, tributa &c.

*De formâ administrandi, quæ Politia  
dicitur.*

**F**orma administrandi est certa per munera personarum Rempub. administrandi ratio, convenienti modo & ordine, & dicitur *Politia*.

*Modus* consistit in imperiorum & honorum aliorumque officiorum legitimâ & congruâ communicatione & distributione.

Quæ vel Statui Reipubl. *similis* vel *dissimilis* est vel *mixta*.

Resp. enim Monarchica gubernari potest ἀριστοκρατικός, vel δημοκρατικός.

Aristocratica μοναρχικός vel δημοκρατικός.

Democratica vel μοναρχικός vel ἀριστοκρατικός.

Adeo ut sæpè triplex administrandi ratio commisceatur: & una alteri prævaleat Statu illibato.

*Ordo* administrandi à tempore & loco dependet.

Quâ de causâ publicè expedit *tempus naturale* Horologis artificialibus distingui.

Et singulis negotiis *sua tempora & loca* tribui, ut publica publicè in publicis locis: Sacra in sacris, privata in privatis privatim celebrentur.

Hæc politia & administrandi ratio pro numero classium Reip. quadruplex erit.

*Sacra* in ordine sacro, *Civilis*, *Militaris* & *Privata*.

Quæ pro varietate Rerumpubl. admodum variant.

*De Doct̃oribus & Sacerdotibus.*

**U**ndè in politia sacra agendum erit de *Sacerdotibus* Ecclesiæ, de *Præceptoribus* Scholarum & rectione earundem.

Nec

Nec non de Ecclesiarum & Scholarum administratione & inspectione.

Quò Scholarcha & Episcopi referendi.

*De Magistratibus.*

**I**N Civili de Magistratibus, Judicibus, alijsq; officialibus Oratoribus & Legatis.

Magistratus est persona publica imperio publico præfecta.

Cujus officium est Jus Civibus demonstrare & jubere, ut secundum illud vivant.

Quod si vixerint, bonos & benemeritos legitimis præmiis adficere.

Quod si non vixerint, juxta Juris præscriptum, in delinquentes animadvertere.

Estque vel proximus Principi, vel intermedius vel infimus.

Unusquisque verò imperata Principis, exequi debet, nisi contra DEUM & honestatem è diametro imperata.

*De Judice.*

**J**udex est Persona, quæ notioni & definitioni causarum præest.

Cujus officium est causas verè cognoscere, & justè definire.

Et quia causæ Civiles & Criminales, Judex est Civilis vel Criminalis.

Isque ordinarius, vel extraordinarius, Delegatus, Arbitrator, Arbitrator.

*De Ducibus, Centurionibus.*

**A**gendum quoque de Militaribus Magistratibus & Judicibus, Qui sunt Duces, Centuriones &c.

*De Officialibus.*

**O**fficiales sunt, qui aliâ quàm imperii & jurisdictionis potestate & munere funguntur domi, forisve, qui varii.

Domi sunt *Nomophylaces* legum custodes.

*Censores*, qui vitia notant: *Sophronista*, qui moribus juvenum præfecti: *Gynacocosmi*, qui mulierum: *Oenopæ* qui convivii.

*Apodecta* & *Quæstores* sive exactores pecuniarum.

*Astynomi* operum publicorum & privatorum curatores Murorum, viarum *Hodopæ*, Aquarum & Fontium *hydro* & *Crenophylaces*.

*Agri mensores*.

*Agaronomi*, qui nundinationi & negotiationi præfunt, qui & Emporii. *Sitona* qui præfecti frumento advehendo. *Metronomi* qui mensuris. *Sitophylaces* qui frumento & pani ut justo pretio vendantur; Et alii quàm plurimi.

*De Oratoribus & Legatis.*

**O**ratores sunt, qui orando Reipubl. inserviunt. Qui vel Oratores domi in specie dicti: vel foris.

*Legati*, qui ad exteras gentes, sociasque civitates, de belli, pacis, foederum &c. aliisq; negotiis publicis conficiendis publicâ autoritate mittuntur.

*De Dispensatione bonorum publicorum.*

**H**æc de administrationis personis & muneribus: Administratio bonorum publicorum & æarii fit per personas convenienti dispensatione.

Quæ



Quæ spectat *expensas* ordinarias & extraordinarias,  
Necess: Utiles & Voluptuar:

In *personas* publicas & *res*. puta Sacerdotes, & tem-  
pla. Magistrat. & Curias; Duces, & armentaria &c.

Tum in *aulam* Principis.

### De *Politia* privata.

**D** Enique *Politia* instituenda erit *Familiarum* &  
*Collegiorum*, puta Agricola: Mercator: Opificior. ut in  
illis omnia ordine & rectè fiant.

### De *Senatu* & *Consiliis*.

**R** Estat ut de *Senatu* & *Consiliis* agamus:

Est enim opus in Rep. & *politiis consilio*.

Consulentes personæ sunt *Consilarii*, quorum offi-  
cium est consulere.

*Consilium* est ratio sive via recta deliberatione in-  
venta, negotii honesti & boni mediis congruis bene  
peragendi.

In quo *negotium* Honestum bonum & opportunum:

*Scopus* honestus & utilis.

Tum *media* ad finem perducentia, honesta, com-  
moda & possibilia consideranda sunt.

Estque *Consilium* vel *Rectum*,

Vel *Obliquum*, quod in pace, *Dolus bonus* sive *Sophi-  
sma Politicum*.

At in bello *Stratagemata* dicitur.

Utriusque ineundi modus est Communis, qui ab in-  
vocatione & opitulatione numinis & vini dependet.

Vel proprius, qui deliberatione consilii capiendi, quæ  
in consideratione rationum dubitandi & decidendi  
consistit,

Et executione cœpti absolvitur, cujus partes *Gestio* negotii, *successus* & *eventus* gesti expectatus vel inexpectatus.

Inexpectati causæ *obstacula* esse solent *divina* & *humana*.

Porro consulentes collecti *Senatum* constituunt.

Qui *ordinarius* est & communis, vel *secretior*, ubi pauciores & causæ arcanæ.

Vel *extraordinarius* & *universalis*, puta *Comitia*, *Dieta*, *conventus publici*.

Deindè concilium est vel *Sacrum*, ubi de negotiis *Ecclesiasticis* & *Scholasticis*,

Vel *Civile*, ubi de *Statu* & *Republicâ*, de legibus, privilegiis, pœnis, præmiis, Magistratibus, Judiciis, annonâ, metallis, ærario, nummis &c.

Vel *Militare* ubi de bello & disciplinâ militari, de feudis de fœderibus, de munitionibus &c. consultatur.

Ad exemplum *Reipubl.* privatis quoque consilia quædam permittuntur petenda à Theologis in causis sacris, à Jurisperitis in causis Juris controversis: à Medicis in morbis desperatis.

Undè *Consistoria Theologorum*, *Dicasteria* & *Conciliorum*, & *Buleuteria* in benè constitutis Rebus publ. in ejusmodi causis dubiis implorari videmus.

*De Remissionibus, laxamentis, aliisq; voluptatis decora civium exercitiis.*

**H**Actenus de Muneribus & functionibus civium publicis & privatis: sequitur ut tandem de *laxamentis* dispiciamus.

Quando-

Quandoquidem laborum, studiorum & officiorum quædam debet esse vicissitudo & remissio.

Quæ in honestâ voluptate & delectatione occupatur.

Quam *recreationes* animi & corporis pariunt: *utiles* partim, partim *ludicra*.

*Utiles* recreationes sunt omnis generis jucunda exercitia, quæ vel ad virtutes civiles, vel militares expediunt.

*Ad civiles* proficiunt conversationes civium in publicis & solennibus *conviviis*, quæ ad mutuam civium amicitiam, fidemq; colendam & confirmandam multum faciunt.

Sunt itaq; anniversarii quidam conventus & convivia publica, lautiori victu & potu, moderato tamẽ, instituenda: In quib. cives genio aliquantillũ indulgentes, labores & molestias civiles gaudio & facetiis, aliisq; colloqis honestis, utilib. & jucundis attẽperent & allevet.

Quo solennia *nuptiarum* convivia, & id genus alia referenda,

Ad mores quoque conformandos Civiles permitendi sunt ludi Scenici, *Comædia* & *Tragædia*.

Ufus *Symphonia* & instrumentorum musicalium, Cujus rei causâ in plerisque civitatibus publicos *tibicines* & *fidicines* constitutos videmus; Item *concertus harmonicos campanellarum* &c.

Ad militares virtutes excitandas pertinet studium *venationis*, *Equitationis*.

Ludus *gladiatorius*; *luctu*; *hastilium certamen*, *Turnier* *Ringelrennen*.

Exercitium *Sclopetorum* & *arcuum* statis temporib.

Item lusus *pila*, qui ad sanitatem & agilitatẽ confert, in cujus usum loca & ædificia certa deputanda.

*Cursus super glacie* in Bataviâ frequens.

Lusus *latrunculorum* Schachtspiel/quò acies militaris repræsentatur.

Ad recreationes ludicras pertinet lusus *aleæ* & *chartarum*, quâ tamen in re certus modus adhibendus.

*Saltationes*, quæ etiam intra honestatis fines cohibendæ.

### *De tuendâ & defendendâ Republ.*

**I**Ta Resp. regitur: Defensio sequitur, quâ ab hostium injuriâ defenditur & tuta redditur.

Quod fit mediis internis & externis, vel utrisque simul.

Interna media dico; *Arma* & *munitiones*.

Externa *Amicitiam vicinorum* & *Fœdera*.

Hinc caput de armis & armatis, qui tractant arma.

### *De armis & Militibus.*

**A** *Arma* ab arcendo dicta sunt ea omnia, quibus hostem arcemus, quib. vel cominus vel eminus præliatur, ut tela, globi &c.

Sivè *terrâ* *marivè*, ut *naves* & instrumenta nautica, si regio sit maritima & portuosa.

Principi ergò opus erit *Armamentario*: in quo ad certum numerum militum arma classesvè & triremes &c. aliumque apparatus bellicum conservet & in promptu habeat.

Viri armati sunt *militēs* vel imperantes, & dicuntur Magistratus militares.

Vel obtemperantes, Militēs in specie dicti.

Utrique eligendi sunt, qui armis idonei.

Potius *domestici* quàm *exteri*.

*Animo & corpore valentes.*

Utri-

Utriusque symbola habet prudentia politica.

Electi *jurejurando* obligandi.

Magistratus militares sunt summi post Principem,  
& inferiores.

Summum *unum* esse plerumque expedit.

Milites ceteri sunt vel ordinarii vel subsidarii.

*Ordinarii*, qui arte veluti continuâ militant.

Qui vel communes, vel qui satellitiû Principis constituunt, & *prætoriani* dici possunt;

*Subsidiarii* sunt, qui rarenter vice quâdam militiam exercent.

Cæterum hi sunt vel *equites*, vel *pedites*.

Horum usus ubique:

Secus illorum.

Qui vel *cataphracti*, vel *levioris armatura*.

### *De Custodiâ militari tempore pacis.*

**A**rmis ergò *Resp. tuenda* tam extra bellum, quæ faciunt, ne sit bellum, quàm in bello.

Nam pacis tempore semper est cogitandû de bello.

Quæ de causâ *subditi ad exercituum armorum præmiis* propositis assuefaciendi sunt.

Magistratus extra bellum, qui constituuntur militares, *Præsides* seu Gubernatores dicuntur.

Milites *Limitanei* in terrâ.

*Classarii* in mari.

In bello *Duces*, quorum summus Imperator.

### *De Bello.*

**B**ello *Resp.* defenditur de muni.

Quod armorum publicorum iusta contentio,

Quod actu & fine absolvitur iusto.

Actus partes sunt *susceptio & gestio*.

*Suscipiendum* bellum iustis de causis.

Autor ergò belli iusti est *Princeps* in Rep.

Causa est *defensio*, ob quam bellum suscipiendum.

Defendimus autem vim & injuriam; dum vim repellimus.

Aut injuriam acceptam ulciscimur.

Hoc utile, illud necessarium.

Bellum iustè susceptum est etiam iustè gerendum.

Publicitus ergò *inducendum*.

Nisi clam aliquando rem suam recuperare opus sit.

Indictum geritur *predationibus* ex hostilibus agris; *obsidionibus & praeliis*.

Sed praviis *consiliis* rectis & obliquis.

*Recta consilia* ineunt viâ rectâ quæ metitur prudentia militaris, ut habeatur loci, temporis, aliarumq; circumstantiarum ratio.

Obliqua *Stratagemata* dicta, occultim fiunt ex insidiis.

Vel *verbis* vel *factis*, vel utrisque

Finitur bellum vel *victoria*, cui *clades* contraria.

*Victoriæ* jure licita est *ultio*.

Quæ fieri debet moderatè in rebus & personis.

Vel *pactione* quæ belli compositio spontanea.

Quæ quantum fieri potest ineunda.

Ineunda autem *aquo jure & firmiter*.

*De munitionibus, quibus Resp. defenditur  
& stabilitur.*

**M**unitiones cuius Reip. expediētes sunt munimenta, quib. Resp. adversus impetū hostilē munitur. Suntque

Suntque vel *Naturalia* vel *Artificialia*.

Quæ si conjungantur, mista dici possunt, priora simplicia.

*Naturalia* Reip. munimenta dependent à naturâ & situ; puta ob asperitatem loci.

Aut *beneficium aquarum* tam stagnantium, quàm fluentium, sive fluminum, sive maris.

*Artificialia* sunt, quæ à manû hominum:

Suntque *aggeres* seu *valla*, & *mœnia*, *porta*, *tataractæ* tum *fossæ* latæ & profundæ: quæ vulgò *Fortezze* *Bestung*:

Munimenta sunt vel necessaria vel utilia.

*Necessaria*, sine quibus Resp. indefensa non manet, sed semper violentiæ hostis exposita est.

Quæ in confinio hostium ponenda, ut interea corpus Reip. procul à periculo; & incursu hostium tutum sit, quæ *castra* & *arcos* dixeris.

*Utilia* quæ populosam & ditissimam defendunt civitatem, aut in perfugium populo prosunt.

Potro præsidia minus tuta sunt, nisi instructa sint.

Instruenda autem sunt *Annona*, *militibus*, aliisq; *apparatu militari*.

Inprimis necesse est ut habeant *præsides*, qui virtute, fide & experientiâ valeat, cui arx credenda.

### *De amicitia publicâ.*

**M**Unitur deindè Resp. *amicitiâ mutuâ* vicinorum Principum & populorum.

Vel etiam dissitorum, qui licet præsentēs auxiliari nequeant, saltem tamen absentes hostes communes cohibere, aut vias præcludere possunt, ne Remp. nostram irruant.

Aliàs Amicitia<sup>z</sup> jus commune est *commerciorum & hospitii*.

Prospiciendum itaque, ut *favor* illorum *benevolentia & beneficentia nostra* erga Principes eorumq; subditos alatur, omnisque simultatis suspitio avertatur.

*De fœdere, clientelâ & patrociniò.*

**D**Enique Resp. stabilitur *fœdere*, cum amicitia publica pacto firmatur.

Nam fœdus nihil aliud est, quàm publica & legitima Principum, populorumvè amicitia<sup>z</sup>, auxiliiq; causâ facta conventio.

Cujus causæ & qualitates considerandæ.

Efficiens fœderis sunt *Principes*, quibus summū jus.

*Forma* consistit in publicâ amicitia<sup>z</sup> conventionē.

Sine ullâ majestatis diminutione.

Finis generalis est *Amicitia & Pax*.

Specialis *Defensio* aut *Offensio* aut *utraque* adversus hostes eisdem.

Qualitas fœderis dependet à *pactis & conditionibus*.

*Pacta* sunt, quæ cautiones æquissimas continent.

Et sumuntur vel ex naturâ fœderis, ut Majestas illibata utrinque permaneat & libertas.

Vel aliundè præter Naturam Majestatis, quæ innu-mera esse possunt.

Veluti sunt exceptiones alicujus populi & Principis, qui arbiter sit in sociorum controversiis.

Item ut ne aliena patrociniâ fœderati suscipiant.

Deindè *perpetuo tempore* vel *definito* fœdus feritur.

*Perpetuum* fœdus redditur, cum Rex regi, vir viro, populus populo, Item cum Princeps pro se, ac suis hæredibus ac successorib. imperii stipulatur & promittit.

*Tem-*



*Temporarium* autem fœdus est, quod certo tempore definitur, ut quousque Princeps vixerit.

Porrò fœdus est duplex: *Æquum* & non *æquum*.

*Æquum* est, quod *æquâ* Majestatis observandæ conditione percutitur.

Et fit vel cum amicis, vel hostibus, vel neutris, id est, qui neque amici neque hostes sunt.

Cum amicis, quod *amicabile* dixeris, cum qui nunquam hostes fuerunt, ad amicitiam sociali fœdere junguntur.

Cum *hostibus*, cum pares bello *æquo* fœdere in pacem atque amicitiam redeunt.

Quod si cum quibusdam, qui neque hostes, neque amici sunt, fœdus initur, *Neutrum* indigitatur.

Uti fit plerumque ab iis, qui intra fines hostium positi.

Horum officium est, à bellis sociorum abstinere &c.

*Non æquum*, quo liber populus seu Princeps Majestatem alterius comiter observare tenetur.

Est quæ vel cum Princeps impotentior sese in alterius *clientelam*, & quasi in tutelam tradere profitetur,

Quod vix, nisi necessitate urgente percutiendum:

Vel cum alterum quodammodo superiorem agnoscit & veneratur sine subjectione clientelari.

*Clientela* fœdus vel est *gratuitum*, cum clientes ab omni pensione immunes.

Vel *Remuneratorium*, cum tributum indictum dependitur.

Ut quæ hoc genus fœderis impetu hostium oppressum:

Ita periculofum, ne patronus libertatem clientis eripiat.

Properea eò cautius cautiones libertatis inferendæ & tyrannidis viæ præfcindendæ.

Ad exemplum fœderis folent & alii Principes & Civitates mutua *pacta defenfionis & patrocinii inire.*

Quæ fummus Princeps autoritate fuâ confirmare folet.

Denique fœdus tamdiu firmum manet, donec definat aut violeatur.

*Definit contrario diffenfu utriusque*

*Et Renunciatione ex causâ iustâ:*

*Item Morte alterutrius.*

*Violatur quando fides fœderis frangitur.*



# LIBER TERTIUS

DE

# REP. AMPLIFI- CANDA.

## *De Augmento Populi.*



ACTENUS de fundatione & conser-  
vatione Reip. Restant tractandæ par-  
tes secundariæ, quæ à primis dependēt,  
*Amplificatio & Curatio ejusdem.*

Sequitur ergò, ut primum de *populi*  
*rerumq; incremento,*

Quo Resp. sivè Civitas *Magna & potens*, id est, *po-  
pulosa, locuples & nummosa*, Bolck! Gut vnd Geldreich  
redditur & indigitatur:

Tum ut de territorii & finium, urbiumque distensi-  
one & dilatatione agamus.

### *Incrementum familiarum.*

**P**Opulosa civitas redditur augmento & propagatione  
*familiarum* frequenti.

Tum populi, hominumque peregrinorum adscriptio-  
ne & receptione.

Populus enim augetur & copiosior redditur vel ex sese vel aliundè.

Undè medium internum & externum augendi populi.

Intus augetur populus familiarum incremento.

Quando benedictione divinâ & influentiâ cœlesti plurimis liberis singulæ familiæ amplificantur.

Deindè cum ex familiis familiæ propagantur, quod sit licentiâ & frequentîâ connubiorum.

Itaque Politicus & Princeps accuret, ut Cives liberis operam dent.

Spe pramiorum, privilegiorum & immunitatum propositâ.

Et metu pœnarum indictarum, si qui matrimonia & propagationem prolis fugiant aut impedian.

*Frequens peregrinorum commigratio  
& receptio.*

**A**lter modus quo populosior civitas reddiditur aliundè, consistit in populi hominumque peregrinorum commigratione frequen: uq; adscriptione: cum exteri facîle in numerum civium recipiuntur

Causæ vero, quæ peregrinos impellant, ut se in Civitates conferant, domicilio pristino relicto, multæ sunt.

Nam peregrinis populis invitamento esse solet,

Vel *vita civilis*, quæ legitimo imperio & obsequio continetur.

Cui cohæret seu potius inhæret *pax publica & privata*.

Vel *verus cultus DEI*, & vera religio, quæ ad verum DEUM ducit.

*Iusti-*

*Iustitia & Juris observantia.*

*Artium & scientiarum studia & Scholæ florentes,*  
in quibus animus excolitur.

*Agricultura*, rei pecuariae & metallica commo-  
ditas & emolumentum. Siquidem naturâ homines a-  
more sui conservandi ducuntur.

*Opificiorum & artificiorum*, quibus maxima pars  
hominum vitam sustentat lucrosa industria & fre-  
quentia.

Oportunitas *mercatura*, cui quàm plurimi operam  
navantes ditescunt.

*Loci Salubritas.*

*Situs Amœnitas.*

*Venationum, piscationum, aucupiorum occasio.*

Adeò ut *voluptate & jucunditate* rerum homines ad-  
fecti sæpè nullibi magis vivere & commorari deside-  
rent, quàm iis in locis, ubi deliciarum copia haberi possit.

### *De incremento rerum.*

**H**Æc de modis, quibus Civitas populosa efficitur:  
*Rerum incrementum* penè iisdem constat.

Nimirum industriâ *Agricultura, pecuaria, Metal-  
laria, Opificiorum, mercatura.*

Uti enim rerum naturalium sufficientia hisce me-  
diis paratur: ita & abundantiam frequenti eorum stu-  
dio procurari consequens est.

Ita & *Nummorum copia* dependet à crebris rerum  
naturalium & artificialium commerciis.

Quod publicam pecuniam, sive *ararium publicum*,  
augendum attinet: id compendiorum ordinariorum  
& extraordinariorum augmento crescere solet.

Tum quoque *impendiorum modo & parsimonia.*

Hi modi rerum aucionem per se pariunt.

Cæteri per accidens. Quales sunt:

*Frequentes & assiduæ populorum in iisdem partibus  
Reipublicæ degentium aliundè professorum conver-  
sationes.*

Quibus causam præbent, *Tribunalia summa, Cam-  
mer und Hoffgericht/appellationis.*

Ubi hominum quos Judiciis præesse & interesse o-  
portet conventu non potest rerum & nummorum co-  
pia non subsequi.

*Academia & Gymnasia*, in quibus Doctores & Di-  
scipuli, incolæ & exteri congregantur.

*Principum aula* vulgò dic Residens; in quibus auli-  
ci, consiliarii, legati exteri versantur.

*Sedes Comitum, Baronum, Nobilium*, qui splendore  
vitæ & magnificentia multum civitatibus expediunt.

*Nundina & publici mercatus, Portus, via publica  
Niederlagen.*

Perlustrationes quoq; & peregrinationes hominum  
Civitatibus emolumento esse solent.

Quibus ansam dant præter cætera, Bene constitutæ  
*Politia, magnificentia ædificiorum & structurarum, inso-  
lencia*, rerum admirabilium naturalium & artificialium,  
veluti sunt, pyramides, obelisci, theatra, thermæ, fon-  
tes, aquæ ductus &c.

Quemadmodum & *amœnitates montium*, vallium, a-  
quarum, sylvarum, hortorum &c. plurimos ad visen-  
dum invitat.

Præter hosce modos & causas sunt & alia *singularia  
invitamenta.*

Quibus exteri & ad habitandum & ad contemplan-  
dum al-

dum alliciantur, Uti olim Romæ Asyla, Ludi Spectacula, & id genus alia.

*De ampliando Territorio.*

**T**erritorii dilatio & distensio finium fit  
Vel *voluntate* spontaneâ & contractu:  
Vel *bello* legitimo.

Sine vi imperium dilatari potest, cum populi, urbes, provinciæ *se spontè subjiciunt.*

Aut *contractu* quodam & titulo civili Reipub. accedunt, puta emptione, dote, donatione &c.

Deindè Resp. municipiis, urbibus, pagis, vicis *novi adificatis* amplior redditur.

Quorum populus vel *Colonis* ex aliis Civitatibus, pagis & vicis deducitur.

Vel suprà dictis modis ex populis exoticis colligitur & assumitur:

Vel cum populi ferè ad mansuetudinem rediguntur.

*Bello* denique regiones, provinciæ, regna, principatus, ducatus, urbes, oppida acquiruntur & Reip. subjungantur.

Et hi sunt modi legitimi: de illegitimis infra.



## LIBER QUARTUS

DE

## REP. CURANDA.

**H**ACTENUS actum est de Republica fundanda, conservanda & amplianda.

Denique hac ultimâ parte dispiciendum erit de *curatione* ejusdem, quæ morbis obnoxia est.

Quamquam enim Respub. quàm sapientissimè fundetur & quàm prudentissimè gubernetur, fieri tamen non potest, quin aliquando morbis & malis incivilibus inficiatur, infecta corrumpatur, corrupta mutetur, tandemque destruat.

Propterea quod in humanis nihil stabile, omniumque rerum sit vicissitudo, ortus, incrementum, decrementum & occasus.

Idcirco prudentiâ civili *malis imminentibus obvian-* dum est: vel *grassantibus medendum*. Utrumque consistit in Curatione.

Primum itaque de morbis, eorumque causis: Deinde de prognosticis & remediis videbimus.

De



*De Morbis Reipub.*

**M**orbis civilis est habitus Reipublicæ contra naturam.

Sivè est malum civile quod esse & salutem adeoque beatitudinem Reip. infestat, labefactat, turbat, & tandem destruit, dum fines subordinatos, actionesque & media ad eosdem ducentia impedit & cohibet: tandemque ad corruptionem & ruinam detrudit.

Hæc itaque mala cum constitutioni & beatitudini civili sint contraria, ex differentiis bonorum civilium desumi & deduci oportet.

Dividi autem possunt in duo summa genera. Quædam enim sunt prima; quædam secundaria.

*Primaria* mala sunt quæ perfectioni humanæ & civili adversa sunt, nempe quæ fini intermedio & summo Reip. obstant.

Summo bono in Rep. adversatur summum malum quod est *disunio DEI ab homine*. Cum Deus Rempub. hominesque in eâ viventes deserit, sui cognitione & vero cultu adempto.

Deindè Justitiæ quam homo homini debet, contrariatur *Injustitia & Anomia*, quâ homo ab homine alienatur, adeoque cognatio & conversatio civilis turbatur & destruitur.

Præterea cognitioni rerum divinarum & humanarum opposita est *inscitia & insipientia*, cum *Barbaries in Repub. dominatur*.

Quæ tria mala extremam imperfectionem in Rep. pariunt, eamque enormiter lædunt & tandem prosternunt.

Post hæc mala animi: sunt & Corporis *invaletudo civium*, inprimis *Contagii, pestes, lepra, dysenteria, lues Venerea* &c. quæ Reip. admodum noxia.

Sunt quoque mala, quæ perfectioni civili adversantur, puta *Ignobilitas, & Vilitas*, quæ flori nobilitatis, honorum vilipendium, ordinum & graduum confusio, contemptus & prostitutio.

Denique deficientia rerum naturalium & civilium, id est, *Aëris insalubritas, Aqua & potus Annona, carentia aut corruptio; item rei medica neglectus; Nummorum defectus & adulteratio; rerum publicarum & privatarum confusio: Agrorum, publicarum neglectus & defectus: & inopia Aerarii.*

Singulorumque civium *paupertas & as alienum; Multitudo miserabilium personarum, expositorum infantium, orphanorum, viduarum, egenorum, claudorum, militum mutilatorum, mente captorum, senum decrepitorum &c.* mala Reip. haud minima sunt.

Quæ sequitur *Fames, Sitis, Mendacitas.*

*Secundaria* mala & prima consequentia sunt illa, quæ vitæ civili opponuntur, quæ in nexu imperantium & obsequentium consistit.

Quæ vel in partibus, vel in toto suboriuntur.

Quoad partē cum Resp. mutatur in *Familiis & Civitate, decremento & ruinā familiar. & civium:*

*Vel in Politis*, cum sacra, Sacerdotes: Magistratus, Judicia, Consilia, Collegiorum & familiarum regimina violantur.

Quoad totum cum Resp. vel ratione administrationis, vel status mutatur aut interit.

Ratione administrationis, cum legitimum imperiū in illegitimum degenerat, quod *Tyrannis* dicitur, quando Princeps contra jus divinum & humanum imperat: Ubi quod libet, licet.

*Vel Marte aperto vel occulto, id est, vi vel dolo.*

Hiscæ

Hiscē enim artibus omnes Tyranni utuntur.

In Monarchico statu Tyrannidis nomen retinet.

In paucor. *Oligarchia*, in populari *Ochlocratia* dicitur.

Deindē administratio mutatur cum in aliam transit, puta cum Aristocratica administratio in populari statu transfertur in Monarchicam &c. quæ translatio dicitur *Alliasis*.

Status verò mutatur, cum vel corrumpitur: vel convertitur.

Corrumpitur cum Imperium summum & obsequium confunditur, & dicitur *Synchesis*.

Convertitur status, cum præsens in alium transformatur.

Quæ *Anastrophe* Reip.

Et quia status triplex, versâ vice sex oriuntur conversiones.

Nam Monarchia converti solet in Aristocr: aut Democrat:

Vel contra Aristocr: in Mon: aut Democrat, vel Democrat: in Monarch. & Aristocratiam.

Intra corruptionis & conversionis terminos sæpè *interregnum* incidit. Quod est status suspensio, donec de Majestate & Statu decernatur.

Hiscē malis coherent aut coincidunt *Bellum* & *Discordia* privata.

Bellum intestinum, *Rebellio* populi adversus Principem.

*Seditio* adversus Magistratus, *Factio* inter ipsos cives.

Tum *bellum externum*, quod inter Principes & populos externos committitur.

Denique Discordia privata sive *diffidium* in Collegiis & corporibus: nec non familiis.

Hoc pax & unio privata: illo publica turbatur & dis-  
cinditur.

Tandem Resp. corrupta interire solet, cum in *Anar-  
chian* degenerat, ubi nemo imperat, nemo obtemperat  
in publico & privato cœtu.

Vel cum *populus deletur* igni, aquâ, peste, gladio &c.

*Finis verò omnium Rerump.* in fine mundi exister,

Quando DEUS novum cœlum & novam terrâ cre-  
abit, & regnum cœlorum inchoabitur, & in æternum  
durabit.

Quod perfectius erit primâ civitate DEI & para-  
lisi, in quo θιός ἐν ἑπάρει παύειν: & homines similes erūt  
angelis corporibus clarificatis: & nihil nisi pax & lati-  
tia in conspectu DEI.

Uti autem olim falsum fuit figmentū de *aureo seculo*  
præterito, ita & de futuro somnium & phantasia est.

Morbi itaque Reip. summatim enumerari possunt.

*Disunio DEI, Injustitia, Barbaries, Invaletudo, Ma-  
la civilia, Deficientia rerum,*

*Corruptela & ruina politiarū publicarum & privatar.*

*Tyrannis, Allisus, Synchesis, Anastrophæ, Interregnū,  
Rebellio, Seditio, Factio, Bellum, Discordia, Anarchia &  
interitus Reip.*

Quæ Reip. & Statui: ejusq; finibus, partibus & po-  
litiis adversantur.

Reip. Anarchia & Deletio interitusque populi op-  
ponitur:

Paci Rebellio, Seditio, Factio, Bellum, Discordia.

Statui Synchesis, Anastrophe, Interregnum.

Administrationi Tyrannis, Allisus.

Partibus Reip. Decrementum & ruina familiarum,  
nec non civium: item urbium & provinciarum.

Poli-

Politiis Corruptelæ singularum Sacræ, Civilis, Militaris & privatæ:

*Causa morborum civilium.*

**H**Æc de morbis in universum dicta sunt; necesse est jam ut de causis eorum agamus.

*Causas* intelligo, quæ vel per se, mala Reip. pariunt, aut ansam & occasionem saltem præbent.

Quæ vel sunt remotæ vel propinquæ.

Remotæ sunt *providentia DEI* sive fatum: tum *influentia cœlestis*.

Undè *vices & periodi* Rerumpub. quasi naturales & ordinariæ.

Propinquæ sunt quæ propius ad effectum accedunt & veluti media sunt, quibus mala in Rep. fiunt.

Quamvis sæpè numero cum morbis convenire videantur.

Ut enim in corpore humano interdum morbus causa est alterius morbi, & per se morbus: ita & in Repub. causa mali, & malum per se esse solet.

Morborum itaque causas secundum seriem propositam investigare expedit.

Disunionis DEI causa est potissima *Religionis defectus & corruptio*, quando nulla religio aut corrupta in Rep. habetur.

Quod fit cum *Atheismus & Epicureismus*, *Idololatria & Magia* omnis generis, *Superstitio*, *Astrologia*, *Hæresis* & *multitudo religionum*.

Cum *Blasphemia*, *Execrationes*, *Apostasia* *perjuria* &c. *Profanatio Sabbathi*.

Deindè cum & quævis alia *avopia & injustitia* adversus secundam tabulam in Rep. grassatur.

*Veluti est inobedientia publica & privata.*

*Homicidia, Autophonia, Latrocinia, Injuria, Inimicitia, Odium, Vindicta. Audacia, Anathemata, Imprecationes &c. Libido, Scortatio, Ebrietas, Luxus, Lascivæ saltationes, Lupanaria, Lenocinia.*

*Furta, rapine, prodigalitas, avaritia.*

*Mendacia, Doli, Calumnia, Contumelia.*

*Convitia, Famosi libelli &c.*

Quibus vitiis & delictis summa iniquitas adversus legem Dei & Jus Gentium in Kemp. invehitur; & unio civilis turbatur & disrumpitur: Deus verò ad justitiam & pœnam adeoque vultus sui occultationem invehitur.

In singulis verò ordinibus & politiis singularia exindè suboriri solent delicta.

In Politiâ sacrâ *Simonia, Hypocrisis, Sacrilegium, Profanatio rerum sacrarum, Violatio sepulcrorum &c.*

In civili *Principis impietas & improbitas.* Quo omnis generis vitia Principum referri oportet.

Magistratuum *crudelitas, lentitudo, indulgentia & impunitas, asyla &c.*

Judicum *adfectus, temeritas, corruptio, arbitrium cerebrinum* Eigentöpffisch Recht und Willkühr.

*Advocatorum & Procuratorum doli, tergiversatio.*

*Consiliariorum precipitantia, τωβος &c.*

Item in militari statu Ducum, Centurionum & delicta militaria.

In imperiis, judiciis & consiliis ἀταξία.

Quibus cohærent plurimi abusus *Monomachia, Gladiatura, probatio per aquam frigidam &c.*

Leges & consuetudines *irrationales, legum defectus, disbetas, obscuritas, confusio, multitudo, dissensio &c.*

Pœnarum

*Pœnarum defectus & abusus. Item præmiorum.*

*Scandalâ Principis, Magistratuum &c.*

*Rerum intuitu crimen Peculatus, repetundar. &c.*

*Civium verò vitia & delicta inobedientia, rebellio, crimen læsæ Majestatis. defectio, tumultus, conspirationes & conjurationes, illicita collegia.*

*Illiciti & dolosi contractus, Monopolia, illicita usura, corruptela mercium &c.*

*In Statu verò familiari rixæ, adulteria, aperiæ, contumacia liberorum &c. Domini se vitia,*

*Pupillorû libido & neglectus: doli tutorum, curtorû.*

*Undè crimina in publica & privata distingui possunt.*

*Et hæc de causis injustitiæ, i. e. de vitiis & criminibus generatim & speciatim in singulis politiis consideratis.*

*Quorum & variæ esse possunt causæ & occasiones, de quibus suo loco per discursum fufius.*

*Præter hæc communia delicta & vitia, quæ Legi Dei & Juri Gentium avertantur, sunt & alia civilia & Reip. propria, in quâ tantû pro turpibus & incivilibus habetur. Quæ propterea etiam vitæ civili adversari censentur.*

*Porro causæ, quæ Barbariem in Remp. inducunt, sunt artium & studiorum neglectus aut planè defectus.*

*Malorum verò civilium causa esse solet iniqua aut nulla præmiorum distributio &c.*

*Morborum & contagiorum variæ causæ esse solent, Intemperantia civium, impuritas aëris, cloacarum, immundities & fætor: viarum spurcities.*

*Denique rerum naturalium defectus proficisci solet à neglectu Agricultura, Metallorum, Opificiorum & Mercaturæ.*

*Nummorum deficientia & corruptio à defectu metallorum & exportatione illicita &c.*

*Erarii publici inopia à mediis deficientibus, nimis expensis &c.*

*Paupertatis civium causæ esse solent Otium, pigritia, prodigalitas, luxus in victu & amictu, in ædificiis, in conviviis: nimia contributiones & immensa vectigalia.*

*Præterea Calamitates publicæ, Lues & interitus animantium, Pestis & contagia, Incendia, Diluvia, Pluviositas, Ariditas, Sterilitas, Nix immoderata, Grandines, Fulmina, Terra motus, Naufragia, Locustarum copia & edacitas murium, Urforum & luporum grassatio. Commæatus & transitus frequens militum.*

*Denique nimium incrementum populi & Fex hominum, validi mendicantes, Cingari, Moriones, Decottores bonorum, Banditi, Milites vagabundi, Peregrini suspecti, exploratores & predatores, agyræ, Histriones, Circulatores, olle fortuna professores, rabule, ociosi, spectaculorum spectatores, frequentantes popinas, valde incommodant Reipubl. emolumento.*

*Et hæc in universum & summam de causis primi generis malorum civilium.*

*Familiarum verò & populi decrementi mors naturalis, pestes, & cælibatus, connubiorumq; contemptus, non minima causa est.*

*Corruptelæ etiam, quæ singulas politias adficiunt, plurimas causas habent.*

*Uti etiam Tyrannis, Allisio, Synchesis, Anastrophe, partim superius dictas communes causas: partim singulares in quovis statu habent, de quibus suo loco & tempore prolixius.*

*Satis sit jam indicasse summarie, qui morbi & quæ causæ eorum in Rep. emergere soleant.*

*De*



*De Prognosticis morborum civilium.*

**H**Actenus de morbis & causis eorum : sequitur Curatio, quæ *Prognosticis & Remediis* perficitur.

Cum enim nullum malum politicum curari possit nisi antè cognitum fuerit, atque sæpè Principes & Magistratus vitia & defectus lateant; Idèò necesse est, ut in morbos imminentes & præsentés sivè etiã futu-  
ros inquirent.

Quod fit *exploratione* omnium negotiorum, conatuum & animorum Principum & populorum exterorum inprimis vicinorum, utrum benè an malè in nostram Remp. adfecti sint.

Tum *inquisitione* vitiorum & criminum aliorumq; defectuum, qui in Rep. occurrant & occultentur.

Quod institui potest modo aperto vel occulto.

Quà de causâ & *proditiones* tolerandæ & fovendæ.

Interest enim Reip. & Principis mores, nutus, consilia & facta non tantum civium, verum etiã Magistratum aliorumq; ministrorum publicorum notasse & observasse &c.

*De Remediis.*

**R**emedia politica sunt, quæ malis in Rep. remediuntur.

Quæ etiã applicanda vel *ratione rectâ vel obliquâ* & occulta. Adeo, ut quando via recta in curandis malis præsertim necessitatis tempore procedere in tutum videatur, tutius arte quâdam & sophismate civili utendum sit.

Medendum enim est malis civilibus appositè, citò & tutò, prudētiz ductu, si rectè mederi velis, quod, ob circumstantiarum obstacula, mediis ordinariis modoque aperto experiri semper non licet.

Et quia morbus à causâ initium & progressum capit, *causa*, quantum fieri potest, primum removenda est, post ipsum malum, vel saltem, ut causâ sublatâ, morbus suâ sponte cesset.

Inchoandum quoque *ab iis malis, quæ perniciosiora & periculosiora cæteris.*

Qualia sunt quæ adversus *statum & salutem Rep.* tendunt.

*Extremis malis extrema remedia* quærenda. In *inveteratis* sæpius reiteranda: *Publica mala* in curando privatis præferenda: *Nobis* nova antidota aut similia veteribus adhibenda.

Interim *pluribus malis* concurrentibus, *minus fuerit tolerandum*, ut deteriora saltem ordine & successu temporis tollantur.

Hæc remedia politica esse solent, *coërcitiones civiles, censura, pœna, & id genus alia media.*

### *De Prophylacticis.*

**P**ORRÒ Remedia sunt duplicia, Prophylactica & Therapeutica.

Cum mala sint imminencia vel inhaerentia.

*Prophylactica* medicina politica occupatur in morbis, causisque morborum imminentibus avertendis, ut *Remp.* à corruptione præservet.

*Remedia itaq; Prophylactica antè omnia tentanda.* Cum melius sit prævenire, quàm post vulteratam causam remedium quærere, juxta illud:

*Principiis obsta, serò medicina paratur.*

Præsciendando nimirum non tantùm causas malorum proximas, verùm etiam remotas & occasiones. Adeò ut priusquam malum imminens existat & vires capiat, aversum fuerit.

*De*

*De Therapeuticis.*


**Q**uod si mala jamdudum radices egerint, adhibenda sunt Remedia *therapeutica*, quæ malis infixis medentur, ea vel *mitigando* vel *tollendo*.

Cum mala sint medicabilia quædam; quædam immedicabilia, quæ admodum tenacia & inveterata & veluti hereditaria, *Quæ plerumq; populorum sunt, singularia*, & universos populos inficiunt, ut sine detrimento & interitu totius Reip. tolli non possint, mitigatione tantummodò utendum est, ut ne dum partem curare velis, integrum corpus destruas.

Cæteris quæ salvâ Rep. eradicari possunt, minimè connivendum est.

Restaret jam ut singulorum morborum & malorum civilium medelam ordinè instituerem, nisi modum partitionum excedere viderer. Idcirco totum medendi negotium Institutionibus Politicis reservabitur, quod tamen interim prudentiæ Politici commissum velim.


Τῷ Θεῷ μόνῳ δοξα.



E L E N C H U S,  
*sive*  
 S E R I E S L I B R O R U M  
 & capitum.

E L E N C H U S L I B R I I.

De Repub. Fundandâ.

 UID Politia & Politicus	31
Quid Respub: Unio civilis, & Imperium generatim	32
Quae partes Imperij	33
Quis constituat Resp. & quo fine	35
De partibus artis Politicae	37
De partibus Reipub.	38
De Familiis	<i>ibid.</i>
De Civitate	40
De Majestate	41
De summi Imperij functionibus	42
De Principe, statu & distinctione Rerumpub.	45
De Monarchia	46
De modis constituendis Monarchiam	<i>ibid.</i>
De Electione	47
De Successione	<i>ibid.</i>
Inauguratio	49
Distinctio Monarchiae	<i>ibid.</i>
De Aristocratia & Democratia	51
De Imperio Moderato publico, Jurisdictione, Judicio & animadvertendi potestate & c.	<i>ibid.</i>
	De Obse-

<i>De Obsequio &amp; Subditis</i>	53
<i>De Fundatione seu Constitutione rerum ad Rempub. pertinentium</i>	55
<i>De Agriculturâ</i>	56
<i>De Opificiis</i>	57
<i>De Mercaturâ</i>	59
<i>De Nummis</i>	60
<i>De Locosive Regione Reipub.</i>	63
<i>De Territorio</i>	64
<i>De Structurâ Edificiorum, Urbis, Suburbiorum, de Viis, Locisq. publicis &amp; privatis</i>	65

## ELENCHUS LIBRI II.

### De Repub. Conservandâ.

<b>D</b> E Repub. ordinandâ & distinguendâ in Status	68
<i>De Fundis &amp; Agris publicis</i>	70
<i>De Aerario</i>	ibid.
<i>De Patrimonio singulorum</i>	71
<i>De Collegiis, Corporibus &amp; Universitate</i>	72
<i>De Disciplinâ &amp; Artibus</i>	73
<i>De Scholis</i>	75
<i>De Doctrinâ sacrâ, Religione &amp; Ecclesiâ</i>	77
<i>De jure constituendo in Repub.</i>	80
<i>Quid Equitas, &amp; quod in Proportionem Harmonicâ consistat</i>	81
<i>Quid Jus Politicum</i>	84
<i>De Principiis juris Politici, &amp; de jure Naturæ</i>	85
<i>De jure Gentium</i>	84
<i>De jure Civili sive Proprio</i>	86
<i>De Sanctione juris &amp; Lege</i>	86
<i>De Privilegio</i>	87

<i>De Scripturâ, partibus &amp; publicatione Legis</i>	88
<i>De Consuetudine</i>	<i>ibid.</i>
<i>Juris divisio in publicum &amp; privatum</i>	89
<i>De jure summi Imperii, Status, Reipubl. &amp; Principum</i>	
<i>Tum jure rerum publicarum &amp; principalium</i>	89
<i>De jure publico sacro</i>	90
<i>De jure publico Civili</i>	<i>ibid.</i>
<i>De jure publico Militari</i>	<i>ibid.</i>
<i>De jure privato Personarum</i>	91
<i>De Statu hominum in Repub.</i>	<i>ibid.</i>
<i>De Obligatione</i>	92
<i>De jure Rerum singulorum</i>	<i>ibid.</i>
<i>De jure Civium speciali</i>	93
<i>De jure familias</i>	<i>ibid.</i>
<i>De Tutelâ &amp; Curatelâ</i>	94
<i>De Emendatione Propinquorum</i>	<i>ibid.</i>
<i>De Incitamentis Obsequii</i>	95
<i>De Censurâ</i>	<i>ibid.</i>
<i>De Pœnâ</i>	96
<i>De Premiis</i>	97
<i>De Exemplo</i>	99
<i>De Repub. administrandâ</i>	<i>ibid.</i>
<i>De Personis administrantibus</i>	100
<i>De Muneribus</i>	<i>ibid.</i>
<i>De Formâ administrandi, qua Politia dicitur</i>	102
<i>De Magistratibus</i>	103
<i>De Judice</i>	<i>ibid.</i>
<i>De Officialibus</i>	104
<i>De Oratoribus &amp; Legatis</i>	<i>ibid.</i>
<i>De Politia privatâ</i>	105
<i>De Senatu &amp; Consiliis</i>	<i>ibid.</i>
<i>De Remissionibus, Laxamentis, aliisq; Voluptatis de-</i>	
<i>cora</i>	

<i>cora civium exercitiis</i>	106
<i>De tuendâ &amp; defendendâ Repub.</i>	108
<i>De Armis &amp; Militibus</i>	ibid.
<i>De Custodiâ Militari tempore pacis</i>	109
<i>De Bello</i>	ibid.
<i>De Munitionibus, quibus Respub. defenditur &amp; stabili- latur</i>	110
<i>De Amicitia publicâ</i>	111
<i>De Fœdere, Clientelâ &amp; Patrocinio</i>	112

### ELENCHUS LIBRI III.

#### De Repub. Amplificandâ.

<b>D</b> E Augmentis Populi	115.
<i>Incrementum Familiarum</i>	ibid.
<i>Frequens peregrinorum commigratio &amp; receptio</i>	116
<i>De Incrementorum</i>	117
<i>De amplificando Territorio</i>	119

### ELENCHUS LIBRI IV.

#### De Repub. Curandâ.

<b>D</b> E Morbis Reipub.	123
<i>Causa Morborum Civilium</i>	125
<i>De Prognosticis Morborum Civilium</i>	129
<i>De Remediis</i>	ibid.
<i>De Prophylacticis</i>	130
<i>De Therapeuticis</i>	132

F I N I S.

1  
2  
3  
4  
5

...  
...  
...  
...  
...

...  
...

1  
2  
3  
4  
5

...  
...  
...  
...  
...

...